

22

8.7.22

საქართველო
გაზეთების




1922 წ. № 1. 2. 3.

სახელმწ. გამომც.

შინაარსი:

	გვერ.
1. დების სიყვარული — სურათი	2
2. ზამთარში — ლექსი ი. მჭედლიშვილისა	3
3. ისრაილა. — ი. მჭედლიშვილისა	4
4. ლეგენდა — ლექსად — გ. ქუჩიშვილისა	10
5. პატიოსანი სიტყვა — ფრანგულიდან ან. წერეთლისა	15
6. სასწაული. (აღვირვითა სახალხო თქმულება) პარ. გოთუასი	21
7. ყვითელი ფერი — ლექსი მიმქრალისა	29
8. ჩვენი სამშობლოს წყლები. მდინარე თერგი. (ვაგარძე- ლება) დ. ხუციშვილისა	30
9. გაზაფხული — ლექსი კოლელიშვილისა	37
10. თედო რაზიკაშვილი, ნეკროლოგი. — ია ეკალაძისა .	39
11. იის ფოთლებზე — ლექსი სეზმა ერთაწმინდელისა .	43
12. მცენარეა ძილი — ელენესი	44
13. თეთრი პეპელა — თარგმანი ეკ. გაბაშვილისა . . .	49
14. ივანიკას ჯავრი. (ვასართობი) დ. ნახუცრიშვილისა.	54
15. წვრილმანი: შარადა, რებუსი	55






საქმაწვილო
ნახატებიანი

ჭურნალი

იბარე მწვანე ჯუღილთ,
დაპურდი, გასდი ყანათ!
— * * * —
დ.



იანვარი, თებერვალი და მარტი 1922 წ.

წელიწადი მემოცდაცამეტე.



ტფილისი

პოლიგრაფ. განყ. მე-3 სტამბა. № 356—3000.



დების სიყვარული.

იპოვებ

1918—1919 წ. იანვარ-მარტი



ზამთარში.

ბუნების

ახურავს ჩამოეკიდა
 გრძელ ყანულეების წვერები
 და შეიგრუხა ქალარით
 ტყით დახურული სერები.
 ბარად ჩამოდის კურდღელი,
 ისმის ღმუილი მგელისა
 და შფოთიანობს გრიგალი,
 ბატონ-პატრონი ველისა.
 შფოთავს და დაარბენებს
 შავი ღრუბლების ჯარებსა,
 ხან გადარეკავს მინდვრებზე,
 ხან მთებში დააჯარებსა.
 გარედ დარჩენილ მაშვრალსა
 ძალიან გაამწარებსა,
 თუ კი არავენ შეეგრდომს,
 არავენ შეიფარებსა!..
 სახლში კი ღვინობს ბუხარი:
 დასთბი, დატკბი და იამე,
 მოხუცს ღიმილად გადმოსდის
 გულში მდებარი სიამე.
 თავს ადევს ღვთიურ ქალარად
 კაი-კაცობა, ჭკვა, შრომა
 და ფიქრობს: ნეტავ გაათბოს
 ქვეყანა ჩემმა ნაშრომმა...

ი. მჭედლიშვილი.





ინოცენსი
ისრაილა.



წორედ იმ დროს, როცა ძალზე ჰყვინავდა, რამდენჯერმე ჰნახა სკოლაში გავლის დროს ლევანმა მოხუცი ისრაილა, რომელსაც მოეკეცნა კუკიის ხიდის თავში და ჰყიდდა წინდებს და სხვა წვრილმანს. ისრაილას მოხუცი სახე: ქალარა თმა, მრავალ გაჭირვებისაგან დანაოჭებული შუბლი და საწყლოური, საბრალო გამომეტყველება ვერ იქცევდა გამვლელ-გამომვლელის ყურადღებას და იგი იძულებული იყო ყველასათვის მიემართა:

- ძმობილო, კარგი წინდებია, იაფია, თბილია, იყიდეთ.
- ლევანმა გაიარა და, როცა ისრაილამ მოაბეჭრა—თავზით, მიბრუნდა და ჰკითხა:
- როგორ წინდები?
- სამი-და-ათი შაური.
- უჰ, ძალიან ძვირია! სთქვა ლევანმა და გასწია სკოლისაკენ.

მოხუც ისრაილას ისეთი გამომეტყველება ჰქონდა სახეზე, თითქო დიდ უფსკრულში ვარდებოდა და შეშინებული ყვირის, მიშველეთ, მიშველეთო:

- იყიდეთ, იყიდეთ, ძალიან კარგი საქონელია! — იძახდა იგი, მაგრამ არავინა ყიდულობდა.
- ლევანმა ისევ გამოიარა სკოლიდან.
- იყიდეთ, ყმაწვილო! — უთხრა ლევანს ისრაილამ ისეთი კილოთი, რომ ეტყობოდა, ახსოვდა ლევანი, რომელიც დილით შეევაქრა.
- მაინც როგორ? — ჰკითხა ლევანმა.



— სამი-და-ხუთი შაური.

— არა, ორ და ათ შაურად მომე, — უთხრა ლევანმა და გამობრუნდა.

რო დაატყო ისრაილამ, ლევანი მიდიოდა, მიიბრუნა და მისცა ორ და ათ შაურად.

როცა ლევანს თავის ამხანაგმა უთხრა, — ცოდო არ იყო, რისთვის დაუკელი მაგდენი იმ საწყალ კაცსაო, ლევანმა მიუგო:

— ვინ იცის, ჩვენ ვგრე საწყალად გვაჩვენებს თავს და იქნება მილიონერიც იყოს!

ამხანაგი დაფიქრდა და შემდეგ სთქვა:


— შენ არა გცოდნია ადამიანის სახეზე სინამდვილის ამოკითხვა, თორემ იგი მართლა საწყალი ადამიანია. ვინ

იკის, იქნებ ბევრად უფრო ნაკლებ ფასად მოეცა ეგ წინდები მხოლოდ იმისთვის, რომ როგორმე გაეყიდნა...
 ლევანი და მისი ამხანაგი დათქმულენ მისი წინდის სახლში.

სალამოთი ისრაილაც მივიდა სახლში.
 ცოტა პური შექაშა და შემდეგ მიწვა კილოზზე.
 მისი სახლი მეტად მარტივი იყო:

სარდაფი, შიგ ერთი სკამი, ერთი მაგიდა და სხვა არაფერი. საშინლადა ციოდა. მოხუცს კბილები უძაგძაგებდა და თითონაც კანკალებდა.

ასეთსავე მდგომარეობაში იყო მისი ორი შვილი, ობლები, რომელთაც დედა დიდი ხანი არ იყო მოჰკლამოდათ.



— კარგი, მაგრამ როცა სულ გვეყიდი, მერე რილათი უნდა შევიძინო საქონელი? ამბობდა გულში ისრაილა:—

საკვირველია, რომ ხალხს არ უნდა ჩემგან იყიდოს რამე და თუ მოინდომა, სულ მუქთად უნდა. როცა მყიდველი სამჯერ უფრო იაფად წაღებულ საქონელში ფულს მიმტყვს, ისე იქცევა თითქო მოწყალეობა ვაილოო. რათ არის ასე? — ჰკითხავდა ისრაილა თავის თავს. — რათ არის ასე, რომ ჩემთან იაფად ყიდვა მოწყალეობა ჰკონიათ და დიდ მაღაზიაში ბევრად უფარგისის უფრო ძვირად ყიდვა კი - წესიერებად? გადმოძხედე მოწყალეობითა შენითა მაღალო ღმერთო! — დაათავა ისრაილამ და ჩაეძინა.

სიზმარში უცნაური რამ ჰნახა:

თურმე კუკიის ხიდს იქით დიდი მაღაზია აქვს და შიგა ვაჭრობს. მისი ვაჭრობა იმითია განთქმული, რომ ყველაზე



კარგი საქონელი აქვს და ყველაზე იაფად ჰყიდის. მუშტარი სულ იმასთან მიდის. სხვა ვაჭრები ძალიან გამწარებულნი



არიან და არ იციან, რა ჰქნან. ისრაილა კი გამოეცა და
 ნიშნს მიუგებს ყველას: რა ჩემი ბრალია, რომ მე კეთილნი
 მოვაჭრე ვარო.

ამ დროს მიეცა ვილაცა სქელი კაცი და დაელაპარაკება
 ისრაილას. ლაპარაკის დროს იმ სქელ კაცს პირიდან დორბლი
 გადმოჰვარდებდა და ის დორბლი გველად იქცევა. ისრაილა
 შეხტება შიშისაგან და გამოელეძება:

— მოსე, მოსე! — დაუძახა თავის შვილს.


მოსემ გამოიღვიძა.

— მოიტა, შვილო, ჩემი კალათა, გათენებულა, უნდა
 წავიდე სავაჭროდ.

ისევ ჰყინავდა და ისრაილა ისევ იქ იჯდა, კუკიის ხიდ-
 თან.



ხალხს ეხვეწებოდა, იყიდეთ ჩემი საქონელიო. მაგრამ



გულქვაა და გულცივი ხალხი: მას ან მილიონერი ისრაილა, ან არა კადრულობდა მისგან ყიდვას.

ისრაილა კი ისევ ეხვეწებოდა ხალხს:

— იყიდეთ! მამაშვილობას იყიდეთ! ძალიან კარგი საქონელია.

თან ძაბაგებდა, სციოდა და სიცივისაგან მორეული ცრემლი ლოყაზე ეყინებოდა.

— იყიდეთ, იყიდეთ!—ამბობდა იგი, ხოლო სახეზე ეწერა საშინელი ღელვა, შფოთვა.

გაიარა რამდენიმე წელიწადმა.

ისევა ჰყინავდა.

ისრაილა ისევ კუკის ხიდის თავში იჯდა ფეხმორთხმით, ხელი გაეშვირა სამათხოვროდ და ემუდარებოდა ხალხს:

— მოიღეთ მოწყალება, ღმერთო! თქვენი მშველელი! მისი სახე სრულიად დამშვიდებული იყო.

იგი მთლად დაჰმორჩილებოდა ბედს: როგორც მონა და მორჩილი უკუღმართ ცხოვრებისა, დამშვიდებული იჯდა და ხელ გამოშფერილი იძახდა მხოლოდ ორ სიტყვას:

„მოიღეთ მოწყალება“.

ამ დროს ისევ იქით გაიარეს ლევანმა და მისმა ამხანაგმა-ლევანმა დაინახა სამათხოვროდ ხელ-გაშფერილი ისრაილა და სთქვა:


— რა უგულო ყოფილა ადამიანი! სანამ არ დაეცა იგი, სულ მეგონა, რომ იმ მცირედი ვაჭრობით მილიონებს იგებდა!

მიდის დღე, თვე, წელიწადი და ისრაილა სულ იქა ზის კუკის ხიდის თავში, ხოლო ლევანი, რომელსაც ერთ დროს ისრაილა მილიონერი ეგონა, მიდის მასთან და ყოველდღე აძლევს მისთვის გადადებულ საჩუქარს.

ნეტავ კი იცოდეს ლევანმა:

„ახსოვს თუ არა ისრაილას, რომ ლევანი ერთდროს თხუთმეტი შაუჩისთვის ევაჭრებოდა მას“?..

ი. მჭედლიშვილი.



გებრადებოდეთ, ნუ მოკლავთ
ირმსა, ჯილა-რქიანსა,
მოათა და ტყეთა შენების,
უწყინარსა და ღვთიანსა,
თორემ ინანებთ, ძმოზამა,
თვით შევერებით ზიანსა.

პ. ქ.



1

წინდელს დროში,
ამ საწუთროში
სცხოვრობდა თურმე
ერთი გლეხ-კაცი;

მას ორი ვაჟი
ჰყავდა, უყვარდა,
ორივ წარმტაცი,
ორივ მამაცი.
ყველას სმენოდა,
ყველამ იცოდა
ხსენებულ ძმათა
ფიცი, პირობა;
სიმღერებშიაც
ქებით ისმოდა
მათი სახელი,
მათი გმირობა.
უმათოდ ლბინი
არ იქნებოდა,
გასაქირშიაც
მზათ იყვნენ ძმები;
თოფ-იარაღიც
არ ჟანგდებოდა,
ილესებოდა
საომრად ხმლები.
რა წამსაც ბრძოლა
გაჩაღდებოდა
მყის იქ ჩნდებოდნენ

ეს ლომ-გულები;
რაზმს ამხნეებდნენ,
ასალკლდფეებდნენ,
მათი ყიჟინით
დრკებოდნენ მტრები.
ხელ-ჩართულ ომში
ბევრი მოუკლავთ,
ბევრიც ცხვრებივით
დაუფრენიათ;
შთამომავლობით
გადმონაცემი
სახელი არსად
შეუტრცხვენიათ.

2

დღეს ერთაწმინდა
ჰქვიან იმ სოფელს,
სოფელს მშვენიერს,
ბუნებით მდიდარს;
დაღლილი სულის
მყუდრო სამყოფელს,
ფიქრთა უკუყურელს
და დამამშვიდარს.
გარემო მისი



ყვავილოვანი
ისე ატყვევებს
მნახველის თვალსა,
რომ ერთი მგზავრიც
ვერ გაუძარცვავს
იქ ჩასაფრებულს
მარჯვე ფირალსა.

3

აი, ამ სოფელ
ერთაწმინდაში
სცხოვრობდა თურმე
გლებ-კაცი იგი
და მის ოჯახში
კანონათ იყო
იმისი სიტყვა,
რჩევა, წეს-რიგი.
ვაჟი შვილებიც
ამ ჩვეულებას
არასოდეს არ
ეუბრებოდნენ;
მოხუცი მამის
ყოველ ბრძანებას
მყის უყოყმანოდ
შეუდგებოდნენ.
და აი ერთხელ,
ადრიან დღით,
მამამ ვაჟკაცებს
უთხრა ღიმილით:
ბიჭებო, დღეს ხომ
საქმე არა გაქვთ
და ნუ დაჰკარგავთ
დროს უაზროთა;
მოდით, ვადიგდეთ
თოფ-იარაღი
და წადით ტყეში
სანადიროთა.
ადგნენ, შენაყრდნენ
ორივე ძმები,

გადაიკიდეს
თოფები მხარზე
აბა წავიდეთ! —
უთხრეს ერთმანეთს
და გამოვიდნენ
მოხდენით კარზე.
მათი შეხედვა
ერთ რამედ ღირდა,
ვერც კი იტყოდი
რომელი სჯობდა:
ორივე კისკასი,
ორივე ძვირთასი,
მშობელი მათ მსგავსს
ძვირადლა ჰჯობდა.

4.

მიდიან ძმები,
თვალ-ტანადები,
მიდიან როგორც
მთის ჯეირნები.
მიდიან, ძმურად
მიიმღერიან,
გზაში ყველანი
მათ შესცქერიან.
— თქვენი ბიჭობის
ქირიმე, თქვენი! —
ვაიძახოდნენ
ყმაწვილ-ბიჭები
და გულ-მხურვალე
ლოცვა-კურთხევით
გზას ულოცავდნენ
ღრმად მოხუცები.

5.

ძმები გუგუნით
ვასცილდნენ სოფელს
ხმა კი შორით-შორს
იკარგებოდა;
მზესა დიდებულს
და ცხოველ-მყოფელს



თეთრი ღრუბელი
 ეხუტებოდა,
 ცრემლების წვიმად
 ძირს ეშვებოდა
 და დედამიწას
 საკინძ-გადახსნილს
 ციურ მანანად
 ესხურებოდა

6.

ძმებმა სიმღერით
 გადაიარეს
 სოფლის შვენება,
 პატარა სერი;
 გადაიარეს,
 კიდევ იარეს
 და დაინახეს
 ტყე მშვენიერი.
 შეჩერდნენ, დასტკბნენ,
 გულით იხარეს,
 დაჰკრეს სიმღერა,
 ფეხს აუჩქარეს.
 მიუახლოვდნენ
 დაბურულ ტყესა,
 მცურავმა *) გზაზე
 გადაურბინათ.
 სთქვეს: ცუდათა გვაქვს
 დაცდილი ესა. —
 დაღონდნენ, თითქოს
 გულზე უკბინათ.
 შეფიქრდნენ, მაგრამ
 მაინც შევიდნენ
 კარავად შეკრულ
 შეფოთლილ ტყეში.
 რა იქნებოდა
 ნეტავ იმაზე
 ულამაზესი
 და უტურფესი?
 ყვავილთა ფშვენა

*) გველმა.

ნიავის ფრენა
 წყაროს ჩხრიალი,
 ფრინველთა სტვენი
 ვიშ, აღტაცებავ,
 ვიშ, ნეტარებავ, —
 ცა-დედამიწის
 ლხენაა, ლხენა!!

7.

ფეხ-აკრეფილნი,
 ყურ-დაცქვეტილნი,
 დაშორდნენ ძმები.
 ხმა-გაკმენდილნი
 ღგანან უძრავად,
 სულ-განაბულნი,
 მოუთმენლობით
 უღელავთ გული,
 და, აი, კიდევ
 გამოჩნდა რქებით
 ლალი ირემი,
 შვენებით სრული
 გამოჩნდა, შედგა.
 ელვაზე მალი
 ორივე თვალი
 მოჰკრა იქ მტერსა;
 იბრუნა პირი,
 შიშით დამფრთხალი
 ამოეფარა იქვე ერთ ხესა.
 იხუელა თოფმა.
 ასცდა ირემსა.
 ის ლაწა-ლუწით
 ეკვეთა ტყესა.
 განიზნა ბოლი,
 ვით ნისლის ზოლი,
 დაყრუვდა ყველა,
 გაისმა კვნესა.
 შეკრთა ვაჟკაცი
 და უმცროს ძმისკენ
 გაქანდა მყისვე



გულ-შემოყრილი.
 მივიდა ახლოს.
 თქვენს მტერს
 და დუშმანს,
 რაც მას იქ დაჰხვდა
 წინ გადაშლილი:
 უფროს ძმისაგან
 ნასროლი ტყვიით
 ვგდო უმცროსი,
 მკერდში დაქრილი
 მიწასა ჰგლეჯდა
 გამწარებული,
 სიკვდილს ებრძოდა
 სისხლში მოსვრილი.

— ვაი მე, ძმაო! —
 ერთი შეპბლავლა
 უფროსმა უმცროსს
 დაკოდილ ძმასა
 და ძირს დაეცა
 ცნობა-მიხდილი,
 ველარა სძრავდა,
 საბრალო, ხმასა.

8.

გონზე მოვიდა,
 მოსულიერდა.
 გამოახილა
 ორივე თვალი.
 აღგა, ბარბაციით
 მივიდა ძმასთან
 და აიყვანა
 ხელში საწყალი.
 გამოუთქმელი
 მწუხარებისგან
 ვაჟკაცს თვალები
 უბნელდებოდა;
 გულს იმაგრებდა,
 ღონეს იკრებდა,
 მაგრამ მუხლები

ეკეცებოდა.
 მას დაქრილი ძმა
 მიჰყავდა ქვევით,
 სადაც მთის წყარო
 ვგულეობდა;
 მაგრამ ამაო
 იყო ყოველი,
 სიცოცხლის ძაფი
 უკვე სწყდებოდა.
 ჰგრძნობდა უფროსი
 უბედურებას,
 იტანჯებოდა,
 იქეჯნებოდა,
 მაგრამ წუთითაც
 არა დგებოდა,
 ფეხს უჩქარებდა,
 იხვითქებოდა.

9.

ვერ მიაღწია
 მან ცივ წყარომდე,
 ძმამ ძმის მკლავებზე
 დალია სული,
 ძლივს მიიტანა
 კოპწია ველზე
 და დასვენა
 მიცვალებული.
 — ვაიმე, ძმაო, ვაიმე! —
 ძმა ძმის ცხედარზე
 ყვიროდა;
 გულში ნადუდი ცრემ-
 ლებით
 ასე მოსთქვამდა, სტიროდა:
 — ვაიმე, ძმაო, ვაიმე,
 მოკლულა ჩემის ხელითა,
 უშენოთ თულა ვიცოც-
 ხლო,
 ძაღლებზე მათრიონ წნე-
 ლითა.



მშობლებო, თქვენსა ვაჟ-
კაცებს

ტყუილად ეღარ ელითა...
სთქვა და ღმუილით დაემხო
გვამსა საყვარელ მკვდრი-
სასა.

დაემშვიდობა, დაჰკოცნა,
თოფს ხელი სტაცა ძმისასა,
ლულაზე შუბლი დაადო
ჩახმახს გამოჰკრა ფეხითა,
გავარდა, მკვდარი დაეცა,
ვით შუხა, დაკრულ მეხითა.
ორი ლამაზი ვაჟკაცი,
ლამაზი მთების კენესითა,
ისუღრებოდნენ ნისლეებით,
ბუნების გლოვა-წესითა.

10.

ჩოჩქოლი ატყდა სოფელში,
ისმის ძახილი ვზირისა;
რჩეულ ქაბუჯთა დაღუპვას

ყველა ნანობს და სტირის
11.

მოხუც მშობლებზე ამბობენ:
ველარ მოსულან ჰკვაზეო,
ტყეში წასულან, შეშლილან
მკვდარ შვილთა დანახვაზეო.
თვით ვაუთხრიათ საფლავი
ორავე ვაჟისთვინაო,
იქ ატარებენ ღღე-ღამეს,
იქ დაუდვიათ ბინაო,
ალარც ხალხს ეჩვენებიათ,
ალარც მოდიან შინაო,
დაყრუედა მათი ოჯახი,
სიცოცხლემ დაიძინაო,
შიგ ღამემ დაისადგურა,
ფარდავი დაიფინაო,
ბუმ დაიკივლა საზარლად,
ოთახმა დაიგმინაო...

გ. ქუჩიშვილი.



პატროსანი სიტყვა.



ქართული
საქმიანობა



— მათხოვე, გიგო, ეს
შენი წიგნი!

— არ შემიძლიან.

— ვთხოვ მათხოვო!

— გეუბნები, არ შემი-
ძლიან.

— რატომ არ გინდა, მათ-
ხოვო?

— გაიგე, იმიტომ კი არა,
რომ არ მინდოდა, მინდა,
მაგრამ არ შემიძლიან.

— მაინც რატომ?

— იმიტომ რომ... ჩემი
ბიძაშვილი მოვა ხვალ სალა-
მოზე ჩემთან, უსათუოდ უნდა
ეუჩვენო ჩემი საჩუქარი.

— კარგი, მაშ ხვალამდის
მათხოვე.

— დრო არ მექნება, რომ
წიგნი შენგან წამოვიღო.

— ჯერ თვითონ მოგიტან.

— სალამომდის?

— სალამომდის.

— ნამდვილად?

— ნამდვილად.

— მპირდები?

— გპირდები.

— სიტყვას მაძლევ?

— სიტყვას გაძლევ... პა-

ტროსან სიტყვას!

— კარგი, აი დაიქი. გახსოვდეს, რომ სიტყვა მოგი-
ცია?

— ხვალამდის. მადლობელი ვარ!

ასე იყო ნათქვამი წინა სალამოს, როდესაც ამხანაგები
ერთმანეთს გაშორდნენ.

ამიტომაც იყო, რომ როდესაც ვასომ გაათავა თავისი საქმეები, პოიტაცა სანატრელი წიგნი და გაქრა, გაქცევა სანატრელი სანატრელი სანატრელი ბალის ერთ მიყრუებულ კუნჭულში, რომ მარტო ყოფილიყო და არავის შეეშალა მისთვის ხელი. იქ მყუდრო, შეფოთილი ფანჯარაში ამოარჩია, ხის სკანზე ჩამოჯდა, ორივე მკლავით მაგიდას დაეხრებოდა, ხელები შუბლზე მიიღო, წიგნი გადაშალა, და ჩვენმა ვასომ ასე სრული ორი საათი გაუნძრევლად კითხვაში გაატარა...

არ ვიცი, რა წიგნი იყო, რომ მკითხველი არ ინძრეოდა. არა ერთხელ შეატყობდით, რომ თვალები უბრწყინავდა, ტუჩებზე ღიმილი მოსდიოდა. ერთ ხანს თვალებიდან ცრემლებიც-კი გადმოჰყარა. მერე რომ იცოდეთ, რა მწუხარებით გადაშალა უკანასკნელი ფურცელი. ხომ იცით, რა სამწუხაროა როდესაც მშვენიერი ამბავი თავდება?

ვასომ ჯერ არ დაეხურა წიგნი, რომ ორმა მხიარულმა და გაბედულმა ყმაწვილმა შეფოთილ ღობიდან თავი შემოჰკყო.

— ვასო! ვასო!

— რა არი? რა ამბავია? გამარჯვება, ღიზა!

— ჩვენ შენ საძებნელად მოვედით. გაგვიღე კარი.

ყმაწვილი მიუახლოვდა იმათ და შეიტყო, რაშიაც იყო საქმე.

ჩემო პატარა ვასო!— ეუბნებოდა შეზობელი ქალი ლამაზი ღიზა, — ჩვენ გამოგვეზაინეს შენთან რადგან სტუმრობას ვმართავთ. პავლე, რეზო და ვეგენი კიდევ მოვიდნენ, ლუარსაბიც, მისი ძმაც... ჩვენები საუზმეს ამზადებენ. ჩემი უფროსი ძმა სკრიპკას დაუკრავს და ჩვენ ვიბტუნავებთ, ვიცეკვავებთ. წამო ჩქარა, გველიან.

— არ შემიძლიან.

— მერე უნდა დიდი ამბით მთელ სახლს გარშემო შემოუჯაროთ! წამო ჩქარა!

— ვერ წამოვალ!

— რატომ?

— უნდა წიგნი მიუტანო გიგას.

— იმასთან ხვალ წადი.

— იმას წიგნი სალამოს ესაქიროება.

— არა უშავს რა, მოგიცდის.

— მომელის, რომ მივუტანო.

— უფრო კარგი! არა, მარო? უნდა წამოვიდეს ჩვენთან!



- დავპირდი, რომ წიგნს მივუტან.
- მერე ჩენი პავლე ხომ მოგელის!
- სიტყვა მივიცი.
- მარგარიტა გიცდის.
- პატიოსანი სიტყვა მივეცი!

რა დროს გატარებას მოსცდა ჩენი ვასო: მშენებრი სიუზუმე, ტკბილეულობა ბლომათ, ცეკვა, ხტომა, სამწუხაროთ ყველაფერ ამებს მოაკლდა. ვასოს ძალიან უყვარდა თავის ამხანაგებში მხიარულობა, დროს გატარება. მერე რანაირად ესაიშოვნებოდა პავლესთან და თავის ლამაზ ბიძაშვილ მარგარიტასთან დროს გატარება! დიდ განსაცდელში ჩავარდა, მაგრამ ვასო ერთ წამსაც არ შეეკრთა.

— არ შემიძლიან, არ შემიძლიან! იმეორებდა ის. — სიტყვა მივეცი'და არ გავტეხ, ჩემ სიტყვას. რასაკვირველია, საწყენად მჩიება. აღრევე რომ მცოდნოდა, საქმე სხვანაირად იქნებოდა. — მერე ბოლოს დაუმატა, — უჩემოთ გაატარეთ დრო, პავლე და მარგარიტა მომიკითხეთ, ვწუხვარ, მაგრამ რა გაეწყობა!..

- რას იფიქრებს შენზე პავლიკა?
- ისიც ჩემსავით მოიქცეოდა.
- მარგარიტა იტყვის, სხვაზე გავცევალიაო.

— სჯობია ახლავე წავიდე გიგასთან, — წამოიძახა ვასომ მოუთმენლათ, — თორემ თუ დავრჩი, სრულდებით დავრჩები. მივბივარ, დროა! გიგა ხომ კარგა შორს არის აქედან, კი ერთი ნახევარი მილი იქნება იქამდის. მშვიდობით მადლობელი ვარ... იქეიფეთ, დრო კარგა გაატარეთ!

III.

მიდის ვასო, მირბის ბილიკით. ილლიის ქვეშ წიგნ ამოჩრილი, ცდილობს დაიფიწყოს, რომ არ ესტუმრა მეზობლებს, დარდი ვადიყაროს, გაერთოს. ვერც-კი შეემაჩნია, რომ შუე ჩასვლაზე იყო, იგი ერთბაშით მიიმალა კიდეც, წამს დაბნელდა.

მაშინ კი ვასომ თვალეზი მალლა ასწია და ხეებს ზემოთ დაინახა ცაზე დიდი შავი ღრუბელი, რამელიც ელვა — ქუხილს მოასწავებდა, „ნიადვარი მოვა, უნდა გავეშურო!“ გაიფიქრა ვასომ და ფეხს აუჩქარა.

არ გასულა რამდენიმე წუთი, რომ შორიდან ქუხილის ხმა მოისმა. ჯერ შორს იყო ეს ხმა, მერე უფრო და უფრო ახლო ისმოდა.

ელვა ღრუბელს გაჰკა და ქუხილმა ზედ თავზე დას-
ძახა.



ქვემოთაჲნი
ქვემოთაჲნი

ჩენი ვასო მუშარა არ იყო, არც იყო იმათგან მელნიც ჯიგონებენ თუ არა ქუხილს, საბანს ქვეშ იმაღე-
ბიან, მაგრამ: სულ მარტოდ მარტო იყო სოფლის გზაზე,
სახლს მოკლებული და გარშემო კი ელვა-ქუხალი; მკონი
ძნელი იყო, რომ დამშვიდებული ყოფილიყო. შეეშინდა.
სხვა დროს სახლისკენ გაიქცეოდა. ახლა-კი თავის თავს
უბრა: „დ პირებული ვარ და უნდა წავიდე!“ თავს ძალა
დაატანა და ისევ გასწია.

მრისხანე ქექ-ქუხალი იყო. შეუწყვეტელი ელვა ღრუბ-
ლებს ც-ცხლში ახვევდა. საშინელი ქუხილის ხმა გაისმოდა,
თითქოს ცა ახლავე ჩამოინგვევო. ვასო მაინც არ შეჩერე-
ბულა. მიდიოდა.

მერე დიდი წვიმა დაუშვა, ნიაღვარი წამოვიდა, ლა-
მობდა ყველაფრას წალეკას. გზები მდინარესავით გაუვალნი
გახდა.

ვასო ერთ დიდ ხეს ამოეთარა, მაგრამ ერთ წამს ხიდან
ისე წამოვარდა წვიმა, რომ ყმაწვილი მთლათ გაიწეწა.

ცულობდა წიგნი არ დასველებოდა, და ტანისამოსის
ქვეშ ფარავდა. როგორც კი ნიაღვარმა ცოტა იკლო, ჩენმა
ყოჩაღმა ვასომ მიატოვა ხე და შეუდგა გზას მოკლე ბილიკით,
როქლავ სველ და მოლიქვულ გზად ვაკეზე, პატარა ხიდთან,
ჩაჯიოდა.

მაგრამ ჩავდა თუ არა ვაკეზე საბრალო ვასო რაღამაც
შეაყენა. ნაკადული, რომელიც ველზე მორბოდა, ნიაღვრის
გამა ისე გადიდებუ იყო, რომ მთლათ მდინარედ გადაქცეუ-
ლიყო და ხიდი, რომელსაც ორი გ დებული პატარა ფიცარი
წარმოადგენდა, წყალ ქვეშ მოჰყოლოდა. რა ექნა უბედურს?
ახლა კი, მკონი, უკან დაბრუნება მოუხდებოდა.

ვასო შედგა, ხელეზი ძირს ჩამოყარა, შეწუხებული
წყალს შესცქეროდა — პოურიეს, აჩქარებულს, ახმაურებულს.

ბოლოს ვადასწყვიტა:

„რაც იყოს — იყოს, გაუალ!“

ფეხთაკმეღე ი გაისადა, შალვარი მუხლებამდის
აიკეცა და მერე ვაბედვით შეტოვა წყალში. დიდი სიფ-
რთხილით მიდიოდა, ფეხის დადგმას მაგრათ ცდილობდა.
წყალს ხმაურება გაჰქონდა, ქათი ფეხებს უმაღავდა, მერე
მუხლებამდის ავიდა, მუხლებს ზემოთაც. ორჯეო-სამჯერ

ფეხი გაუსხლტ და, ეგონა, ეს ეს არი წაიქცეოდა და წყალი გაიტაცებდა.



ვასომ ხელ ახლა ღონე მოიკრიფა, წინ გაიწია, მარჯვენა მხარე ბუჩქს, რომელიც მდინარის მეორე ნაპირას იყო. მარჯვენა მხარე მდინარიანი გამოდგა და ხელები სისხლით მოესვარა...

„არა უშავსრა“, შესძახა მან ხმა მალა.

ვასომ ცოტა კიდევ გაიჭირა საქმე, ამოფოფუნდა, ამოვიდა ზევით, მუხლების და ხელების შემწეობით განჩნდა მეორე მხარეს, მაგრამ შესაძლო იყო აქაფებულ წყალს ისევ გაეტაცნა და დაეღუპა.

„ეს ყველაფერი გიგას წიგნის გულისთვის დამემართა“, სთქვა ვასომ, როდესაც გაწუწული ბალახებში ფეხზე დადგა.

მერე დაუმატა: „არა, ეს არც წიგნის ბრალია, არც გიგასი. მე არ მინდოდა სიტყვის გატება“.

მან ისევ ჩაიცვა ფეხთ, გაწურა შალვრის ტოტები და მეორე მხრის აღმართს შეუღდა. გზა იყო უსწორ-მასწორო და კლდიანი.

მაგრამ რა გაეწყობა! ცოტა კიდევ და მალლობიდან გამოჩნდება სახლი. ამითი ვათავდებოდა კიდევ მისი ტანჯვა

— მართალია მალე შივალ, სიტყვას ავასრულებ, — ფიქრობდა. ის სიარულის დროს — მაგრამ სახლში როდისღა დაებრუნდები, გარს უნდა მოუარო, რომ წისკვილის ხილით მივიდე შინ — არ მინდა კიდევ ამ საძაგელი გზით გავიარო. ის გზა-კი ერთი ორად გრძელია. ღამდება. უნდა გავიქცე. გავიქცევი, უფრო აღარ შემცივა.

IV.

შუალამე გადასულ იყო, როდესაც ვასო მივიდა სახლში. მაგრამ ძნელათ წარმოიდგენთ, რა მდგომარეობაში იყო: მთლათ სველი, წყალი ზედ ჩამოსდიოდა, შუბლზე თემები მიჰკროდა, მუხლებამდის ტალახში იყო გასვრილი. ფეხსაცმელებისაგან იატაკზე გუბებები დადგა. ხელები ეკლებიდან დაკარული ჰქონდა და სისხლი ჯერ კიდევ წვეთ-წვეთად ჩამოსდიოდა. უნდა გამოტეხილი ეთქვათ-არც ეგონა, რომ სახლში კარვად მიიღებდნენ.

— საიდან მოდიხარ, შე უბედურო! — შეტყვირა დედამ, როგორც კი დაინახა, — სად იყავი, რომ აგრე გაწუწულსარ? ვასოს უნდოდა ეამხნა ყველაფერი, დაწყო კიდევ თავისი თავ გადასაფალი... მაგრამ დედამ მაშინვე შეაწყვეტირა სიტყვა.

— მერე მიაშბე, ახლა საჭიროა საჩქაროთ ტანისამოსის გამოცვლაო. აბა, ჩქარა!

მართლაც რომ ტანისამოსის გამოცვლა ახლანდელსა საჭიროა.

— გეფიცები, დედავ, — ამბობდა ჩვენი გმირი, — სულაც არა მცირეა. სულ სიბილით მოვდიოდი.

ჯერ ტანისამოსი არც კი გამოეცვალა, რომ მამაც შემოვიდა.

— ეს რა ამბავია? — იკითხა იმან. განა შენ ჩვენ მეზობლებთან წვეულებაზე არ იყავი? იქ შადრევანში ხომ არ ჩავარდი? თქვი ჩქარა!

ყველაფერი სთქვა: რატომ არ წავიდა წვეულებაზე, ქეჩა-ქუხილმა და ნიაღვარმა როგორ მოასწრო გზაზე, რა ვაი-ვაგლახით გადავიდა მდინარეზე, მერე რა გაქირვებით დაბრუნდა წისქვილის მხრით.

— ვიცი, რო გაშიჯავრდები, დაუმატა ტირილით ვასომ, — მაგრამ მე სხვა ფრივ ვერ მოვიქცეოდი, რადგან პატიოსანი სიტყვა მივეცი!

მამა არ გაუჯავრდა, პირიქით დაუყვავა. შვილს გადაეხვია და გულში ჩაიკრა.

— შენ მართალი ხარ, უთხრა, აგრე უნდა მოქცეულიყავი. როდესაც პატიოსან სიტყვას მისცემ — უნდა აასრულო კიდევ, რაც უნდა მოხდეს. მაგრამ კი უნდა გითხრა, სიტყვის მიცემა დაუფიქრებლათ არ შეიძლება, რადგან შესაძლოა მოულოდნელი შემთხვევა გადაელობოს წინ. ამიტომ უნდა სთქვა, პატიოსან სიტყვას ავასრულებ, თუ მოულოდნელი მიზეზი არ დამიშლის.

(ფრანგულიდან).

ან. წერეთლისა.





(ალევირელთა სახალხო თქმულება)

უჩის პირად ჯამეს კედელთან იჯდა ორი მანქანწალა: ერთი იყო ბენ იუსუფი, მეორე-სიდი აბკარი.

— დიდ არს ალლაჰ! — სთქვა ერთმა.

— დიდ არს ალლაჰ! — უპასუხა მეორემ.

— დაილოცა მისი სახელი, ჩვენ სულ დაგვივიწყა. დილიდან აქ ვზივართ, მოწყალემა კი არავინ მოიღო.

— ვინ უნდა მოგვეცეს! ქუჩა ცარიელია.

— შეხედე, ჩვენს ბედზე მოდის ღვთის მოყვარე ჰასან ბენაბდალლა, ის მაინც მოგვხედავს.



მალე ჩაიარა ჰასან ბენაბდალლამ. ისინი ვერცკი დაინახა. ღრმა ფიქრებში იყო ვართული. ნელ-ნელა მილიოდა მოედნისაკენ. მარცხენა ხელში ეჭირა ბაწარი და უკან მიჩაკუნებდა მისი ვირი.

— აღარც კი შეგვხედეს!

— ვირმა ხომ გამოიხედა?



ქართული
ლიტერატურა

— ყურებიც დავიქნია.

— კარგად შევატყვე, გვევედრებოდა, წამიყვანე

— ცხადია, განსაცდელი მოეღოს! უნდა დავიხსნათ პატრონისაგან. მაგრამ როგორ? ბაწარი მაგრად უჭირავს, მაშინვე შეგვიტყობს.

— დიდად ჩაფიქრებულია პატივცემული ბენ-აბდალლა-აზროვნებს ყურანის მაღალ სიტყვებზე. მე ისე ჩამოვართმევ ვირს, ვერაფერს შეგვიტყობს, სთქვა სიდი აბკარმა.

— ეს ხომ სასწაული იქნება! საშიშარია, — უპასუხა ბენ იუსუფმა.

— ნურაფრის გეშინია. იმ ვირს ახლავე ჩაგაბარებ; საჩქაროთ წაიყვანე ბაზარში, მალე გაჰყიდე; ფულები არ დახარჯო, მომიცადე დიდი მეჩითის გვერდში.

ამხანაგები წამოდგნენ.

სიდი აბკარი ფეხაქრფეთ დაეწია ვირს, სწრაფად მოხსნა კისრიდან ბაწარი, იქვე თვითონ გადაიკო თავზედ ბაწარი. შემდეგ იმავე ნაბიჯით, როგორც მიდიოდა ვირი, წყნარად გაჰყვა უკან ჰასან ბენ აბდალლას.



ბენ იუსუფმა აუჩქარებლივ ჩაიყვანა მოკლე გზით ვირი ბაზარში, მალე გაჰყიდა, შესწირა მადლობა უფალს დიდ მეჩითში.

დასასვენებლად იქვე ჩამოჯდა ქუჩის კუთხეში.
 მიღის ნელ-ნელა, ღრმა ფიქრებში გართული, ^{პასან}
 ბენ აბდალლა, უკან მიჩაკურებს ვირის მაგიერად სიდი ^{ქუჩის კუთხეში}
 — დიდ არს ალლაჰ, სასწაულთ მოქმედი! ^{წამოაღებო}
 ბოლოს ბენ აბდალლამ.

— დიდ არს ალლაჰ! უბასუხა ყოყანით სიდი აქარმა.
 შეკრთა ბენ აბდალლა, მოიბრუნა პირი ვირისკენ. თავ-
 ზარდაცემული სიტყვისაც ვერ იღებდა.

სიდი აბკარი მოკრძალებით შეჰყურებდა მ.ს.

— სად არის ჩემი ვირი? — იკითხა გაუბედავად ბენ აბ-
 დალლამ.

— რომელ ვირს დაეძებ, ჩემო პატრონო!

— რა იქნა ჩემი ვირი, უკან რომ მომდევდა!

— ავერ არა ვარ!

— შენ ხომ ვირი არა ხარ?!

— მაშ, ვინ ვარ მე!

— შენ?! მე ვერ გიცნობ, ვირი საიდან იქნები!

— ღმერთო დიდებულო, ნუ თუ მე შენი ვირი აღარა
 ვარ!



— ალლაჰს ვფიცავ, შენც ჩემსაღი თადამიანი ხარ.

— მაშ, ისევ აღამიანად ვიქეცე? სჩანს, დასრულდა
 შერისხვა ღვთისა, ბოლო მოეღო ჩემს გავირებულ ცხოვრ-

ბას, ჩემს წველებას! ალლაჰ, ალლაჰ! დიდ არს სასწაული
შენი!

საჩქაროდ გადაიძრო თავიდან ბაწარი, სიხარულისაგან
იქვე ხტუნვა-თამაში დაიწყო.

— კარვალ ამიხსენი, შეილო, რა სასწაული მოილო
შენს თავზე დიდმა ალლაჰმა, — ჰკითხა მორიდებით ბენ
აბდალლაჰ.

სილი აბკარმა იხტუნა კარვა ხანს. მერე აღვზნებულის
ხმით დაიწყო თავისი ამბავი:

— ოჰ, ჰასან ბენ აბდალლაჰ! ჩემო ძველო პატრონო,
სანამ მე შენს ხელში ჩავფარდებოდი, ვცხოვრობდი დიდ-
ბულად. მამა ჩემი შენსავეთ შეძლებული, პატიოსანი, ღვთის
მოყვარე კაცი იყო. მთელი ყურანი ზებირად იცოდა. მეც
გამომზარდა ღვთის სიყვარულში. მაგრამ გამოვედი მისი
უღირსი შეილი: მე მიყვარდა ღვინო, ხშირად ვთვრებოდი.
ერთხელ სიმთვრალეში მამაც კი შემომელანძლა. გონზე რომ
მოვედი, დავდევი ფიცი ალლაჰს წინაშე, ღვინოს ამი-
რიდან აღარ დავლევ მეტქი... მანკერება გამოიტაცა:
მეორე დღეს კიდევ უფრო დავთვერი, უფრო გავ-
ლანძღე მამა ჩემი... გაწყრა ალლაჰ, მოილო ჩემზე რისხვა
თვისი: გადამაქცია უბრალო ვირად, მიმცა სატანჯველში...
დანარჩენი შენ თვითონ იცი, დიდ არს, უფალო, სახელი
შენი.

— დიდ არს უფალო, სასწაულებია შენი! — უპასუხა
ბენ აბდალლაჰ მღვლეარებით.

თავი დაჰხარა მის წინ, თაყვანი სცა მას.

მერე შეეკითხა მამობრივის კილოთი.

— მე ხომ კარვალ გეპყრობოდი, შეილო, განა გტან-
ჯავდი?

— რაშდენჯერ ზურგზე ტყავი ამძროძია შენი მაირა-
ხისაგან! შენ არ იყავი, რომ...

— სსუჰ, შეილო, ღმერთს ნუ შესცოდებ, ალლაჰმა
იცის, რარიგ მიყვარდი! მე შენ ყოველთვის გარჩევი სხვა
ვირებში. ჩემი საყვედური არსად წამოგცდეს!

— წამომცდეს კი არა, ახლავე მივდივარ დიდ მეჩითში
იქ გავაცხადებ, როგორც მირტყამდი, მაწამებდა!

— არა, შეილო, შემებრალე, უცაბედათ თუ დეგარტ-
ყამდი, განხარა ხომ არა ვშვრებოდი! იყავ საპართლიანი!

— ესაა შენი სამართალი?! ამდენ ხანს გემსახურე, ჩემზე ერთგული შენ არავინ გყავდა. დღეს კი მივდივარ შენგან ასე შიშველი, ასე მშიერი?!

— არა, შეილო, ასე როგორ გაგიშვებ! აჰა, ფულზე დაივიწყე, იყიდე, რაც კი გჭირია! თუ რამე ცუდი გახსოვს ჩემგან, უნდა დაივიწყო, მეც დაივიწყებ შენს ტლინკებს. სულგრძელი არის დიდი ალლაპი, ორივეს გვაპატივებს. ამას გთხოვ, შეილო, მეორეჯერ ღმერთს აღარ შესცოდო, ლეინო ახლოს არ გაიკარო, ხომ იცი, უარესად დაისჯები: მაშინვე ისევ ვირად გადაიქცევი, ჩემისთანა კეთილ პატრონსაც ველარ იშოვნი. გასწი, ვამბორე დამწუხრებულ მამაშენს! მადლობა შევსწიროთ უფალს, რომ ამ დიდი სასწაულის ღირსი გაგვხადა.

ორივემ მოწიწებით თაყვანი სცეს ერთმანეთს.

სიდი აბკარმა კმაყოფილებით გამოართვა ფულები, კიდევ შესწირა ალლაპს მადლობა...

გაეშურა დიდი მეჩითისაკენ.

ჰასან ბენ აბდალლა დიდხანს, დაყუდებული იდგა იმავ ადგილას... შემდეგ შესწირა ალლაპს მადლობა, შემოირტყა წელზე ვირის ბაწარი... თავმოშონედ გაეშურა მოედნისაკენ.

მოულოდნელმა სასწაულმა გაიტაცა მთელი მისი არსება, შეუთამაშა ოცნება. მოედანზე მოგროვდა დიდ ძალი ხალხი. გარს შემოევლინ ბენ აბდალლას.

ის ამბობდა:

— მოვიჩქაროდი მოედნისაკენ. ჯამეს რომ მიუახლოვდი, დავიწყე ფიქრი, რად მოგვიძულა ასე დიდმა ალლაპმა, რომ სასწაულებს აღარ გვიჩვენებს, ნუ თუ ისე დაგვიპყრეს ცოდვებმა, რომ აღარა ვართ ამისი ღირსნი?! გავიხსენე ყურანიდან ძველი სასწაულთმოქმედება... უცებ ჩემს თვალის წინ მოხდა საკვირველება. ჩემი ვირი, რომელიც ამ ბაწრით მომყავდა, შეჩერდა, სახე დაუპატარავდა, მეწმე სულ შეეცვალა. წინა ფეხები გადაექცა ხეუბად, უკანა ფეხები ადამიანის ფეხებად, ვირი ჩემი თვალის წინ გარდიქნა ადამიანად, რომლის პირველი სიტყვები იყო: დიდ არს ალლაპ!

— დიდ არს ალლაპ! — იგრიალა ერთხმად ხალხმა.

რამდენჯერაც ჰასან ბენ აბდალლა, იმეორებდა ამ სასწაულს, იმდენჯერ უფრო უმატებდა ოცნებობას.

ხალხიც მეტის განცვიფრებით, მეტის აღტაცებით უს-
მენლა მას.

საქართველო
საბჭოთაო



ბევრიც შენატროდა, რომ ბენ აბდალლამ იხილა ეს
სასწაული.

— მადლობა უფალს, რომ გამხადა მისი ყურადღების
ღირსად, მაგრამ შე, ოჯახის კაცი, დაფრჩი ახლა სულ
უვიროდ.

— ჩვენც, ჩვენც მოგვეცით საშუალება ამ სასწაულში
მონაწილენი გავხდეთ! დაიძახეს რამოდენიმემ.

იმავე წამში ხალხმა დიდის ხალისით შეაგროვა ფული,
რომ ბენ აბდალლას სამაგიერო ვირი ხალხის ფულით ეყიდა.

ჰასან ბენ აბდალლა მრავალის ხალხის თანხლებით გაე-
შურა იმ ადგილისაკენ, სადაც აგანკადა იმისი ვირი“.

შეუდგნენ ლოცვას იმ ჯამეში, რომლის კარებთანაც
მოხდა ეს სასწაული...

მეორე დღეს ბენ აბდალლა, ახალ ტანისამოსში გამოწ-
ყობილი, დინჯად გამოვიდა ბაზარში. უნდოდა ეყიდნა თა-
ვისთვის ახალი ვირი.

ხალხი პატივისცემით ეგებებოდა მას.

ბენ აბდალლა უცებ წააწყდა ერთ ვირს, რომელმაც
მიიპყრო მისი ყურადღება.

ჩემი ვირი რომ კაცად არ ქცეულიყო, ვიფიქრებდი,
 უსათუოდ ეს არის მეთქი.
 დაუწყო თვალღებობა.
 ვირმაც მალე იცნო თავისი ძველი პატრონი.
 დაიწყო სიხარულისაგან ყროყინი, აიწყვიტა ბაწა-
 რი, მოაშურა ბენ აბდალლას.



— ოოჰ, ეს მართლა შენა ხარ, რომელიც იყავი ჩემი ვირი?! შე საბრალო, ასე მალე შესცოდე ისევ უფალს! კიდევ ჩალიე ღვინო, ხელახლად ვირად გადაიქეცი? მე ხომ გაგაფრთხილე, შეილო!

ვირმა კიდევ მორთო ყროყინი. ევედრებოდა შინ წამიყვანეო.

— უკაცრავად ბრძანდები, შენისთანა ცოდვილს მეორეჯერ აღარ ვიყიდი! კიდევ საყვედურს დამიწყებ, ცუდათ მეპყრობოდიო! მშვიდობით ბრძანდებოდე!

ამ სიტყვებით ბენ აბდალლამ მიიბრუნა პირი.

გასწია სახლისკენ.

ვირი გაჰყვა მას.

ბენ აბდალლამ შიშით მოიხედა მისკენ.

ვირი მიუახლოვდა.

ბენ აბდალლამ სწრაფად აიწია კაბის კალთები, მოჰკურთხა
ცხლა რაც ძალი ჰქონდა.

ქართული
ენების
საქართველო



ვირი ყროყინით ჟეან გამოუდგა.

მირბის წინ ჰასან ბენ აბდალლა.

მისდევს ჟეან მისი ვირი პირაფეჩენილი.

ვირს გამწარებით მისდევს ჯოხით ხელში მისი ახალი
პატრონი.

შეგროვილი ხალხი იცინის.

ხარხარებს...

შორი ახლოს მიმალულიყვენ ორი მაწანწალა: ერთი
იყო ბენ იუსუფი, მეორე სიდი აბკარი.

კმაყოფილებით ილაშქროდნენ.

პარ. ვითუა.





ყვითელი ფერი.



ემს ყვავილებში არ ერევა
ყვითელი ფერი
და მე-კი მიყვარს მისი ცქერა,
მისი იერი.

ზოგი ვარდს აქებს, ეტრფის იის
მინაბულ თვალებს...

მეც მათრობს ეშხი, მაისი რომ
გამოიღარებს.

მაგრამ თქვენ იცით, რატომ მიყვარს
ყვითელი ფერი?

—მარტის პეპელას მოგაგონებს
მისი იერი:—

ოქტომბრის დღეებს, ტყის შარი-შურს
აბრეშუმ ფოთლებს,

ქარვის მტევნებს და, ურმის კრიკინს...
მხიარულ სოფლებს.

მიმქრალი.





სადგურ კობთან, როგორც ზევეთაც მოვიხსენიე, ბითარის ვარდა თერგს ერთვის მეორე კარგა მოზრდილი წყალი, უხატის ხევზე ჩამომდინარე. უხატის ხევის წყლის სიგრძე ექვს შვიდ ვერსზე მეტი არ იქნება, სამაგიეროდ სიჩქარე მისი დიდია, როგორც ყველა აჭაური მდინარესი. უხატის ხევის წყალს უერთდება თავისოდენავე ნაკადი

სახელად მილიონი. მილიონი და უხატის ხევი სათავეს იღებენ კავკასიონის ქედის მთავარ ძარღვის მალალ მწვერვალიდან. ამ მწვერვალს მილიონი ჰქვია. უხატის ხევი გამომდინარეობს მის აღმოსავლეთით, მილიონი მის დასავლეთით. ჯერ ერთ-მანეთს ერთიან და შემდეგ-თერგს მარჯვენა მხრით.

სადგური კობის მიდამო არის გზა-ჯვარედინი. ეს ადგილი ამ ხეობაში ერთად-ერთი ფართო და გაშლილი ადგილია; მთები, თითქოს რითიმე ნაწყენნი და ერთმანეთს შემომწყურაღნი, ურთი-ერთისაგან გამდგარან, დაშორებულან. იმ ორიოდ სოფელში, აქ რომ გაშორებულა, თითქმის სულ ოსები მოსახლეობენ. მათი ხელობა მეცხვარეობა—მესაქონლეობაა; ხნავენ და თესვენ კიდევ, მაგრამ ნაკლებად, ბუნება ხენა-თესვას ხელს არ უწყობს, ვერ ეგუება.

შეიძლება ითქვას, რომ ნამდვილი ხევი აქედან იწყება.

მდ. თერგი, წყალ-შემატებული და შემავიწროვებულ კიდე-ზღუდეებს მოშორებული, თავისუფლად და ხალვათად მიმდინარეობს; მაგრამ არა, მდ. თერგის მსვლელობას სიტყვა „მიმდინარეობა“ არ უხდება, არ შეეფერება; მისი მსვლელობა სირბილია გააფთრებულ ვეფხვისა, თავ-გამოდებული, შეუღრეკელი. კარგა მანძილს ფართო კალებზე თავის ნებაზე მიმდინარეობს. მთები, თერგის ხმაურობით შეშინებულნი, შეკუმშულან და მოედანი, ასპარეზი თერგისთვის დაუთმიათ. მდინარეც სარგებლობს შემთხვევით და მდგომარ-

როგობით, ხან მარცხნივ ვადიქნევს ტალღას, ხან მარჯვნივ,
ხან ერთი მთის ძირობას მიეტმასნება, ხან მეორისას, ერთი
სიტყვით, ისე იქცევა, როგორც სურს, როგორც მოეწონება,
როგორც თავისი ჭკუა უბრძანებს.



სამხედრო გზა სოფ კობამდის მდ. ბეთარას ხევით მოაკ-
ლაკნება, აქედან-კი თერგის ხევში ვადადის და ხან იმის
მარცხენა და ხან მარჯვენა ნაპირას მოექცევა ხოლმე.

ზოგ ადგილას თერგი ძალიან უახლოვდება გზატკეცილს,
ხანდახან წაებოტინება ხოლმე: სურს წალეკოს, ხალხის გზა
თვის კვალად გაიხადოს, მაგრამ აქ ვერაფერს ხდება, რად-
განაც გზას ჰყარაულობს ადამიანი და უკანასკნელის გონება,—
მოხერხება—ცოდნასთან მდინარე ვერასა ხდება. იქ, სადაც
გზა და თერგი ერთმანეთს უახლოვდებიან, უკანასკნელის
ნაპირზე ნაშენი არის კლდის და დუღაბის მაგარი და ბევრ-
ჯელ საკმარისად მაღალი ზღუდე; კედელი, რომელსაც თერ-
გის ხარბი და ცელქი ტალღა ვერ სწვდება; თუ სადმე
როგორმე მოხდა და დაახიანა თერგმა ეს კედელი, მაშინვე
მზად არიან მუშათა წყებები, საქმის მცოდნე ხელმძღვანელებით,
რომ უმაღლვე შეაკეთონ და შეავსონ გაფუჭებულ-დანა-
კლისი. მუშები ცხოვრობენ თერგის და გზის პირზედ
აშენებულ ყაზარმებში; გზები დაცულია მთის მხრიდანაც;
თუ წვიმა მოვიდა და მთა ჩამორეცხა და ჩამოხორგა, იგი
ქვა-ქვიშას ჩამოიტანს გზაზე და გააფუჭებს. ამისთანა ადგი-
ლას ამართულია ისევ კლდის ჰედლები; ეს კედელი იცავს
გზას და მგზავრს უცაბედად მთის ფერდობზედ მოწყვეტილ
და თავქვე გამოქანებულ კლდისაგან.

ს. კობიდან მოყოლებული, სადაც პირველად ხედებიან
ერთმანეთს სამხედრო გზა და მდინარე თერგი, სოფელ
სტეფან-წმინდადღე, რაც უდრის 18 კერსტს, გზა მდინარის
მარჯვენა ნაპირით მიდის.

ს. კობთან, ყაზბეგის მიმართულებით, გზის ძირში
გამოჩქიალებენ ნარზანები, და იმდენად, რომ წისკვილის
ქვებს ატრიალებენ. კობიდან ყაზბეგამდის, თითქოს დიდი
ბრძოლით მოღლილ-მოთეთქვილი, თერგი ძალიან აღარ ხმა-
ურობს; ეს ადგილი ასახსნელია: მთები, თერგთან რომ
შეუწყვეტელ ომს აწარმოებენ, განზე გამდგარან, მდინარეს-
თვის გზა დაუგდიათ და თერგიც, უმეტოქეოდ დარჩენილი,
დამშვიდებულია.

მოხვევთა პირველი სოფელი ხევში, თუ საქართველოდან მივდივართ, არის ყანობი. იგი მდებარეობს თერგის მარცხენა ნაპირზე, ოდნავ დაქანებულ მთის გავაკებულ ფერდობზე. მდებარეობა ლამაზი აქვს და ყანობი იმისთვის ეწოდება, რომ სოფელს სხვა ხევის სოფლებთან შედარებით, ბევრი აქვთ ვაკე ადგილი ყანის მოსაყვანად.

მდ. თერგს სოფ. ყაზბეგამდე მარჯვნიდან და მარცხნიდან ერთვის მრავალი ხევის პატარა წყალი.

ს. აჩხოტის ქვემოლ მდ. თერგს ერთვის მარჯვენა მხრიდან შენაკადი შავი არაგვი, რომელიც ჩამომდინარეობს ღუღუშურის, ანუ სნოს ხევზე და სათავეს იღებს მწვერვალ ქვენამთიდან. შავ არაგვს ერთვიან მარცხნით ხევის წყალი ჯუთა, ხოლო მარცხნიდან — ქორხი.

პირველად სამხედრო გზა ჯვრის უღელტეხილით კი არ გადმოდიოდა, არამედ შავ არაგვის ხეობით ბუსარქილის უღელტეხილზე და მისდევდა ღუღუშურის ხევს; ამ ხეობაზე არის მოზრდილი სოფელი სნო.

სოფ. სტეფან-წმინდამდე (იგივე ყაზბეგი) სამხედრო გზა, როგორც უკვე აღვნიშნეთ, თერგის მარჯვენა ნაპირზედ მიიკლავება; ამ სოფელთან ეს გზა მშვენიერ რკინის ხიდზე გადუფლის თერგს თავზე და მოექცევა მას მარცხნით. მდ. თერგი აქ უკვე მოზრდილი და ძრეელია; ხიდიდან მისი მზერა და თვალიერება სასიამოვნოა; მირბის, მიიჩქარის თერგი ქვემოლ და ამ მსვლელობის დროს არ ერიდება ვეებერთელა კლდეებს და ქვებს. მის კალაპოტში აქა იქ რომ მოუკალათნიათ; არ უფლის იგი მათ გვერდს, არ უქცევს მხარს, ზედ ახტება ხმაურობით და ვზის სავალს იმოკლებს. ეს ადგილი შესანიშნავია თვისი სილამაზით. აქედან მშვენივრად სჩანან ორი ბუმბერაზი ბუნებისა: თერგი დაუღალავი და მყინვარი, თეთრ ჩაღრით მოხილი. ეს დიდებული სურათი არ გამოჰპარვია პოეტ ილია ქავკავაძეს და იგი თავის „მგზავრის წერილებში“ შემდეგ ფრიად — მნიშვნელოვან და დამაფიქრებელ სტრიქონებს უძღვნის მათ, — თერგს და მყინვარს: „ოთახიდან გარეთ გამოვედი და შევხედე სტეფან-წმინდის პირდაპირ აყუდებულ მყინვარსა, რომელსაც ყაზბეგის მთას ეძახიან. დიდებული რამ არის ეგ მყინვარი. აბა მაგას შეუძლია სთქვას: ცა ქუდადა მაქვს და დედამიწა ქალამნადო. ცისა ლაქვარზე მოსჩანდა იგი თეთრად და აუმღვრევლად-

ერთი მუქის ოდენა ღრუბელიც არა ჰვარავდა მის მაღალ
შუბლსა, მის ყინვით შევერცხლილ თავსა. ერთად ერთი
ვარსკვლავი, მეტად ბრწყინვალე, ზედ დანათოდა, ერთ აღ-
გილას გაჩერებულიყო, თითქო მყინვარის დიდებულ სახეს
განუცვიფრებიაო. მყინვარი!.. დიდებულია, მყუდრო და
მშვიდობიანი, მაგრამ ცივია და თეთრი. დანახვა მისი მაკვირ-
ვებს და არ მალეღვებს, მაციებს და არ მათბობს—ერთი სიტ-
ყვით მყინვარია! მყინვარი მთელის თავის დიდებულებით
საკვირველია და არა შესაყვარებელი. აბა რად მინდა მისი
დიდება? ქვეყნის ყაყანი, ქვეყნის ქარიშხალი, ქროლვა,
ქვეყნის ავ-კარგი მის მაღალ შუბლზე არც ერთ ძარღვსაც
არ აატოკებს. ძირი თუმცა დედამიწაზე უდგოა, თავი კი ცას
მიუბჯენია, განზე გამდგარა, მიუკარებელია. არ მიყვარს
არც მაგისთანა სიმაღლე, არც მაგისთანა განზე განდგომა,
არც მაგისთანა მიუკარებლობა. დალოცა ღმერთმა ისევ
თავზე ხელაღებული, გიჟი, გადარეული, შეუპოვარი და
დაუმონავი თერგი. შავის კლდის გულიდან გადმომსკდარი
მიდის და მიბღავის და აბღავლებს თავის გარშემოსა. მიყვარს
თერგის ზარიანი ხუილი, გამაღებული ბრძოლა, დრტვინვა
და ვაი-ვაგლახი. თერგი სახეა ადამიანის გაღვიძებულის ცხოვ-
რებისა, ამაღლებული და ღირს-საცნობი სახეც არის: იმის
მღვრიე წყალში სჩანს მთელის ქვეყნის უბედურების ნაცარ-
ტუტა. მყინვარი კი უკვდავებისა და განცხრომის დიდებული
სახეა: ცივია, როგორც უკვდავება და ჩუშია, როგორც
განცხრომა. არა, მყინვარი არ მიყვარს, მით უფრო, რომ
მიუკარებლად მაღალია. ქვეყნიერების ბედნიერების ქვაკუთ-
ხედი-კი ყოველთვის ძირიდან დადებულა, ყოველი შენობა
ძირიდან ამაღლებულა, მაღლიდან კი შენობა არსად არ
დაწყებულა. ამიტომაც მე, როგორც ქვეყნის შვილს, თერგის
სახე უფრო მომწონს და უფრო მიყვარს. არა, მყინვარი არ
მიყვარს: მისი სიცივე სუსხავს და სითეთრე აბერებს! მაღა-
ლიაო! რად მინდა მისი სიმაღლე, თუ მე მას ვერ აწვდები და
ის მე ვერ ჩამომწვდება. არა, არ მიყვარს მყინვარი. მყინვარი
დიდ გეტეს მაგონებს და თერგი კი მრისხანე და შეუპოვარ
ბაირონსა. ნეტავი შენ თერგო! იმითი ხარ კარგი, რომ
მოუსვენარი ხარ. აბა პატარა ხანს დადევ, თუ მყარალ გუბედ
არ გადაიქცე და ეკ შენი საშიშარი ხმაურობა ბაყაყის ყიყინ-
ზე არ შეგეცვალოს. მოძრაობა და მარტო მოძრაობა არის,
ჩემო თერგო, ქვეყნის ღონისა და სიცოცხლის მიმცემი—ო.

სოფ. სტეფან-წმიდა მღვდბარეობს თერგის მარჯვენა მხარეზე; მის გასწვრივ, მარცხენა ნაპირზე თერგის შენაკად გერგეთულას პირად მღვდბარეობს სოფ. გერგეთი, ^{მარჯვენა} ~~მარცხენა~~ თავს დასცქერის მთელ ხევეში განთქმული თვის სიმლოცხვით წმინდა სამების ეკლესია.

ს. სტეფანწმინდა არის სამშობლო ჩვენი გამოჩენილი მწერლის ალექსანდრე ყაზბეგისა; იგი დაიბადა ს. სტეფანწმინდაში და იქვე არის დასაფლავებული ეკლესიის გალავანში; პატარაობისა აკვანში მწოლიარეს თერგი უგალობდა მას ნანას და ეხლაც საფლავში მყოფს იგივე თერგი უგალობს იმავე სიმღერას.

თერგის და სხვა აქ მოხენებულ სოფელ-ადგილებს სახელები ალბად გაგონილი ექნება მას, ვისაც წაუკითხავს ალექსანდრე ყაზბეგის მშვენიერი ნაწერები; მათში სწორედ, ნათლად, ნამდვილად და მხატვრულად არის აწერილი, როგორც თვით ხევი ისე მისი მეზობელი ადგილები თვის მცხოვრებლებით და მათი ყოფა-ზნე ცხოვრებით.

სოფ. ღვილეთამდე მდ. თერგის კალაპოტი ფართოა, სიბჱვეებით მოფენილი; გზა აქ მთის მაღალ ფერდობს მისდევს; როცა კაცი ამ სიმალიდან გადასცქერის თერგის ხევს და მის ძირზე მოლაპლაპე მდინარეს, მაღალ, თვალუწვდენელ მთებით მოზღუდულს, მის გულს რალაც შიში და მოკრძალება იპყრობს.

ს. ღვილეთიდან მდ. თერგი შედის ცნობილ დარიალის ხეობაში; ეს ხეობა იმდენად დიდებულია, იმდენად მომაჯადოვებელი და კაცის გრძნობათა დამატყვევებელი, რომ მისი აღწერა თითქმის შეუძლებელია. საჭიროა ამ ადგილის ნახვა და დატკობა ბუნების დიად სურათით.

მდ. თერგის ხმა აყრუებს მთელ ხეობას; მას ხმას აძლევენ მის კიდევად აყუდებული მთები, რომელთა მწვერვალნიც ცაში იკარგებიან. ჩვენ ცნობილ პოეტ გრ. ორბელიანს ამიტომ უთქვამს ლექსში:

„თერგი რბის, თერგი ღრიალებს,
კლდენი ბანს ეუბნებიან“-ო.

დარიალის ხეობის სიგრძე არის 15 ვერსი; იგი ღრმა ხეობაა; თერგს ვადუქრია კავკასიონის მთების მთავარი ძარღვები და ზედ გზა დაუდვია. დარიალში თერგს ერთვის ორი უფრო მოზრდილი შენაკადი: პირველი-მარცხნიდან, ს. ღვილეთის ახლო, რომელიც გამომდინარეობს ყაზბეგის ყინულ-

დევდორაყისაგან, მეორე-კი ქისტინკად წოდებული მარჯვნი-
დან; იგი სათავეს იღებს ქისტების მთებიდან და ისეთი დაქ-
ნებული კალაპოტი აქვს, რომ სულ თეთრ ქულა ქათად
მოჩქირალობს და მოაგორებს ლამაზ კენჭებს.

ქართული
ენის
მეცნიერება

ს. დვილეთთან მდ. თერგი კვლავ რკინის ხიდის ქვეშ
გადის და მიმდინარეობს სამხედრო გზის მარცხენა მხრით.
იქვე ახლო მარჯვენა ნაპირზე მდებარეობს ციხე, მეფე თა-
მარის აშენებულად რომ იხსენიებენ. მარჯვენა ნაპირზედაც,
იქვე მახლობლად, ქისტინკას შესართავთან არის მეორე
ციხეც, რომელშიაც ოთახებია და სანაპირო ჯარი სცხოვ-
რობს; ეს ორი ციხე წარსულში ჰკეტავდა დარიალის ხეო-
ბას; ეს ორი ციხე იცავდა საქართველოს ჩრდილოეთით
მოსახლე ველურ ხალხებისაგან; დარიალის ხეობა ძველად
და ესლაც ერთად-ერთი საუკეთესო გზა არის კავკასიონის
ქედს რომ სჭრის და ევროპას აზიასთან რომ აერთებს. ამ
გზით შემოვიდა საქართველოში პირველად რუსის ჯარი,
რადგანაც სხვა გზა ჯერ არ იყო რუსეთის ხელში.

ამ ციხეებიდან რამდენიმე ვერსის სიშორეზე, ქვემოდ
მდ. თერგზე არის კიდევ ერთი რკინის ხიდი, ეშმაკის ხიდს
რომ ეძახიან. ეს ხიდი დარიალის სუყველაზე ვიწრო ადგი-
ლას არის გაკეთებული; აქ კლდეები ერთმანეთთან ისე ახ-
ლოს მისულან თითქოს თერგის გასრესა მოუსურვებიათო;
ამიტომ აქ თერგი უფრო გაბრაზებულ—გააფთრებულა.

ეს ხიდი არის სახელმწიფო საზღვარი საქართველოსა
და საბჭოთა რუსეთ შორის. ეხლაც, როგორც ძველად,
საქართველოს რჩეულნი და ერთგულნი შვილნი, ჯარის
კაცები, დღე და ღამ ჰყარაულობენ აქ და იცავენ საქართვე-
ლოს გარეშე მტერთაგან, იცავენ თავის ერის, ქართვე-
ლობის მყუდროებას.

ამ ხიდიდან მოყოლებული მდ. თერგი უკვე ჩვენ აღარ
გვეკუთნის, იგი რუსეთისაა. მდინარე მალე მთებსაც ჰლაღ-
ტობს, შორდება მათ და ვაკე ადგილზე მიმდინარეობს;
ამიტომ იერი და ზნეც შესცვლია; დაჰკარგვია ის სიმკვირე-
ხლე და სიყოჩაღე რითაც ესოდენ მოსწონდა იგი ილია
ქავჭავაძეს მთაში.

მდ. თერგი ჩადის კასპიის ზღვაში, ქ. ყიზლიარის აღმო-
სავლეთით; მთელი სიგრძე მისი არის 570 ვერსი; თვისი
მომეტებული ნაწილით იგი ჩვენ სამშობლოს მიწა-წყლის
გარეშე მიმდინარეობს.


მდინარე თერგი მოხსენებული აქვს მე-10 საუკუნის მწერალს ჯუანშერს თვის ვახტანგ-გორგასლანის ცხოვრებაში. იგი ამბობს, რომ ძველად ქართველები თერგსაც არაგვს ეძახოდნენ, რადგანაც ისიც იმ მთიდან გამომდინარეობს, საიდანაც ქართლის არაგვიო.

თერგში ბუღაბს სხვა და სხვა გემრიელი თევზი და სათავეში კი კალმახი.

მდ. თერგი ეხლა მაზარალებელი უფროა ვიდრე სასარგებლო; იგი აფუჭებს ხოლმე მშენიერ გზატკეცილს და ქვიშა-რიყით ავსებს მოხვევთა ისედაც მცირე სახნავ-სათეს მიწებს.

მომავალში კი თერგის სარგებლობა განუზომელია. თერგი ძალიან ჩქარი, სწრაფი, ღონიერი და კალაპოტ დაქანებული მდინარეა. იგი ამ მხრივ დიდ ძალას წარმოადგენს; მას შეუძლია დიდი ბორბლების ტრიალი და მრავალ მანქანების მოძრაობაში მოყვანა. იმას, რასაც დასჭირდება უამრავი ქვა-ნახშირი ან სხვა სათბობი მასალა, თერგის ერთი მცირედი ნაწილიც გააკეთებს. ამიტომ არის რომ თუ მდინარეს შეუძლიან მოძრაობაში მოიყვანოს სხვა და სხვა მანქანა და გასწიოს ქვანახშირის ან სხვა მსგავს პროდუქტის მაგიერობა „თეთრ ნახშირს“ ეძახიან. თეთრი, როგორც „თეთრი ნახშირი“, ფრიად ძვირფასია და დიდი მომავლის მქონე.

ი. ხუციშვილი.



გახსავსული.




ორი დღია ნახ ლურჯ-ფერა
მოგვესალმა. უმღერს ტკბილად
მინდორ-ველსა, არე-მარეს,
ხმა ნარნარით—შეწყობილად...
იქ შროშანა მოკეკლუცე
აზიზ ფრთებით შემკობილი,
თეთრ-მანდილა—მოაშიკე,
მომხიბლავი, მოხდენილი,
ნიავისგან წყნარად ტოკავს,
აქეთ-იქით არხვეს გულსა,
ეშხით თერება—მხიარულობს,
და უმღერის გაზაფხულსა...
იქ წალკოტში ეკლის ბუჩქსა
მუქ-შუქურა ვარდი ჰფარავს,
დილის ნამი-მარგალიტი
ხავერდოვან კოცნას ჰპარავს.
თავს ევლებსა მოელვარე,
აციმციმებს მოკაშკაშე,
კრთის ფოთლებზე...
ისხნის გულსა
და უმღერის გაზაფხულსა.
აქ ბუღბუღი-ბაღთ მგოსანი
ჰანგებზედა მგალობელი,
ფერად ყვავილთ მოთაყვანე
ავ მომღერალთა მგმობელი,
ტკბილ სიმღერას ანავარდებს,
გაზაფხულსაც ათაყვანებს.

ეს სიმღერა, ეს გალობა,
 თქვენ შეამკეთ მინდორ-ველო...
 და ბულბულმა, ტკბილ ნობათად
 შენ მოგართვა, საქართველოვ!
 საქართველოვ, გაზაფხულდა—
 დღე გათენდა მშვენიერი...
 შენს სიტურტეს, სილამაზეს,
 მარად უმღერს შენი ერი;
 ყმაწვილებიც შენს მშვენებას
 შეჭხარინ მადლიერნი...
 საქართველოვ, თუ შენ ხარობ,
 ჩვენც ვართ მაშინ ბედნიერნი.

გ. კოლელიშვილი.

1920 წ. 26 მაისი.





თედო რაზიკაშვილი.

— ნეტა თუ გახსოვთ, ჩემო პატარა მკითხველებო, რომელიმე ლექსი, ამბავი, ან მოთხრობა თედო რაზიკაშვილისა?

— არ გახსოვთ? კარგა ხანია აღარა დაუწყებია-რა, განა?

აბა, მაშ, გადაშალეთ „ბუნების კარი“, ან წარსული წლების „ჯეჯილ-ნაკადული“ და უეჭველად ნახავთ თედოს ნაწერებს... რომ იცოდეთ რატკილი ქართული აქვს, რა მშვენიერი გამოთქმა, რა ჩინებული და ფაქიზი გრძობები, ერთხელ კიდევ სიამოვნებით გადაიკითხავთ მათ და გაფართოვდება თქვენი ოცნება, გადიშლება თქვენი ფიქრები, აჩქარდება თქვენი გული და ნეტარებისა, თუ მწუხარების ცრემლები მოგადგებათ თვალბში: ისე მოხერხებულათა და დალაგებით აღაპარაკებს ფითრს, მსხლის ხეს, ყვავილებს, ბალახებს, ჩიტებს, სოფლელ გოგონებსა და ბიჭუნებს, ტყესა და მთას, მინდორსა და ველს, კლდესა და ნაკადულს, მეტყველებსა, თუ პირუტყვეს, რომ აღტაცებაში მოხვალთ და წამოიძახებთ: — ღმერთმა უკურთხოს კალამი, ღმერთმა დიდხანს აცოცხლოს ძია თედო.

სამწუხაროდ, ეს გულთბილი და ენა მოკარგული მწერალი, — თქვენი დიდად მოყვარული და თქვენი დავაჟკაცებისა და ბედნიერების მოსურნე თედო რაზიკაშვილი — აღარა გყავს!

წრეულს, 19 (ძველის თვლით 6) იანვარს, ნათლიობადღეს, ნაშუადღევს, ცოლშვილში რობრუნდებოდა, სოფლის ავმა და შავმა კაცებმა ჩხუბი ასტეხეს და მოჰკლეს.

ქართველი მწერლის ასე მხეცურად მოკვლამ შესძრა და ააშფოთა ქართველი საზოგადოება.



თედოს ოთხი მკვლელი დღეს სატუსალოში სხედან, დანარჩენებს კი მთავრობა დაეძებს შესაპყრობათ... მაგრამ თედოს ამითი რაღა ეშველება?

სატირალი და სავალალო ის არის, რომ ჩვენში ჯერ კიდევ ბევრი მოიპოვება ისეთი მხეცი ადამიანი, რომელიც ვერ არჩევს ავსა და კარგს და თედოსთანა მოქირანხულე, მოამაგე და ქვეყნისათვის თავდადებულ კაცს ასე პირუტყვეულად უსპობს სიცოცხლეს!..

ქალარით ახლად შევერცხლილი, მუდამ ქართულ ჩოხა-ახალოხში გამოწყობილი, ტანდაბალი, მაგრამ მკვრივი, მარად მზიარული, გულ-გაუტყუებელი, დაუღალავი მუშა და დაუცხრომელი მქადაგებელი მშობა-ერთობისა, სამართლიანობისა და ქვეყნისათვის სამსახურისა — თედო რაზიკაშვილი არასოდეს არ დაავიწყდება გორის მაზრის, მეჯვრისხევის ხეობას, სოფ. ხელთუბანს, სადაც იგი ოცდა ათ წელიწადს იყო მასწავლებლათა და დაბეჭავებულ გლეხობის გზის მაჩვენებლად.

დიად, არ დაავიწყდებათ ისე, როგორც არ დაივიწყებს მას ქართული მწერლობა, ქართველი ერი!

თედო სულ 12—13 წლის ყმაწვილი იქნებოდა, როცა

იგი ჩამოიყვანა ფშავეთიდან მისმა ძმამ სახელოვანმა ქართველმა მგოსანმა ვაჟა-ფშაველამ და მიაბარა გორის საოსტატო სემინარიისში. აქ წარჩინებულად დაამთავრა მან სწავლა და ოცნი წლის ახალგაზდა კაცი გამწესდა სოფლის მასწავლებლად სოფ. ხელთუბანში. იმ დღეს აქეთია აღარ მოშორებია ამ სოფელს. აქვე დაცოლმწილდა, აქვე მოაწყო საუკეთესო ქართული ოჯახი, პატარა, მაგრამ კობტა მეურნეობა და სანთელივით დაენთო ყრუ და ყველასაგან მივიწყებულ სოფელში.

თედომ პირველმა შეიტანა ანზანი აქაურ გლეჯკაცობაში, პირველმა აუხილა გონების თვალი სოფლის ბავშვებს, შეაყვარა წიგნი, კაი კაცობა, აღამიანობა. თედოს ჭირივითა სძულდა ორ-პირობა და თვალთმაქცობა, სძულდა ერთისაგან მეორის დაჩაგვრა, სძულდა მუქთა ხორები, სძულდა სოფლის ქამია ჩარჩები, მატყუარები. თავის თავზე მეტად უყვარდა საქართველო, ქართველი ხალხი, ბავშვები, მომავალი თაობა, მთელი ქვეყანა! ამოღებული ხმალივით კრიჭაში ედგა სოფლის ნაძირალებს, ქურდ-ბაცაცებს, ქვეყნის ორგულთა და ერის დამამცირებელთ, ძველი რუსეთის პოლიციასა და ჟანდარმებს, რისთვისაც, 1906—7 წლებში, ზარბაზნებით დაუნგრის სახლ-კარი, თვითონ კი შორეულ ჩრდილოეთში გადაასახლეს.

როგორც იყო დაემხო ძველი რუსეთი, ხალხი განთავისუფლდა მონობისაგან. განთავისუფლდა საქართველოც. თედო კვლავ დაუბრუნდა თავის საყვარელ სოფელს. აქ კვლავ გაისმა მისი მქექარე ხმა, კვლავ ამუშავდა მისი მალლიანი მარჯვენა. თედო ისევ შეიქმნა სოფლის დარაჯად, სოფლის ხელმძღვანელად. მაგრამ...

აღბად ცხოვრების წესის გარდაქმნა უცბად ვერა სცვლის ათი და ათასი წლობით გაბოროტებულს და გავერანებულს, დაბრმავებულსა და დაყრუბულ გულ-გონებას ზოგიერთი აღამიანისას. დღესაც ჩვენი დაბა ქალაქები სავსეა ცხვრის ტყავში გახვეული მგლებით, რომელთაც თვალის ეკლად მიაჩნიათ სამართლიანობისა და ქართველი ერის აღორძინების მოტრფიალენი. ჩვენი დაბა-სოფლები დღესაც სავსეა ავ-კაცებით, რომელნიც შურიითა კვდებიან კაცის სიკეთეს რო ხედავენ, გლეხის გამოფხიზლებას რო უყურებენ. იციან, გრძობენ, რომ ძველებურად ვეღარ დაიბრძვივებენ, ძველებურად ვეღარ გაუბატონდებიან მას, თუ თედოსთანა ხელმძღვანელები ეყოლებათ და...

აი აქ არის დამარხული მიზეზი თედოს მოკვლისა.
თედო კვლავინდებურად სდევნიდა სოფლის ნაძირალებს,
კვლავინდებურად და უფრო თამამად უქმევდა სოფლებს
სვავეებს და ყვავ-ყორნებს, თედო თავგამოდებით ახსნიდა
მათ!

ბევრი ცუდი და ავი მიაყენეს თედოს: ხან სახლი გაუ-
ძარცვეს, ხან სკები მოჰპარეს, ხან თივა დაუწვეს; ერთხელ
გზაშიაც კი დახვდნენ მოსაკლავად, მაგრამ თედო არც მხდა-
ლი იყო და არც ისეთი ძაბუნნი, რომ გაჰქცეოდა სოფლის
ორგულებს, ნაძირალებს, მათს მუქარასა და დაშინებას და,
აი, რომ ველარ მოღუნეს, — სოფლიდან რო ველარ აბარგეს,
გასტეხეს, მოჰკლეს იგი!

სირცხვილი და ზიზღი მის მკვლელებს, ნეტარ-ხსენება
და უკვდავება თედოს სახელს!

თბილისში, დიდუბეში, სადაც იქორწინა თამარ მეფემ
და თავი მოუყარა გაერთიანებულ, ძლიერ საქართველოს
ლაშქარს, დღეს გაშენებულია მკვდართა ქალაქი, — სასაფლაო.
ამ სასაფლაოს ერთი ნაკვეთი განსაკუთრებით არის შემო-
ფარგლული და ეწოდება „ქართველ მწერალთა პანთეონი“.
ამ პანთეონში განისვენებს საქართველოს დღემდე გარდაც-
ლილ ქირისუფალთა უმრავლესობა. — აქ არიან: ვაჟა-ფშაველა,
გოგებაშვილი, ევლოშვილი და სხვანი მრავალნი, მშვენებანი
და დიდებანი ივერიისა. აქვე თქვენ ნახავთ ჯერეთ ისევ
სველ სამარეს თედო რაზიკაშვილისას. 1922 წლის 19
თებერვალს სრულიად საქართველოს ქართველ მწერალთა
კავშირის საბჭომ გადმოასვენა ს. ხელთუბნიდან წამებული
თედოს ნეშტი და ღირსეულად დაკრძალა ქართველ დიდ-
ბულთა შორის.

ია. ეკალაძე.



ის ფოთლებზე.

(პაწია რვეულიდან)

ეროვნული
ბიბლიოთეკა



ის ფოთლებზე ეძინა ცვარსა...

ეკერა ღილად;

ჰკრთოდა ობლებზე

სიაშის შვებად...

ედინა ღვარსა, ესერა ღილად...

სიო მის ქებად

ჰკროდა ნადიმზე.

და... მზე, მნათი მზე

ლაწვებ ალება

თრთოდა ციმციმზე.—

აბნევედა სხივებს.

ფირუზ თვალება

ია თვის სიმზე

ჰკინძავდა მძივებს...

სეზმან ერთაწმინდელი.



მცენარეების ძილი.



ას ვეძახით მცენარეთა ძილს?

რათ იძინებს მცენარე?

დალამდება თუ არა, მრავალი მცენარე ძილს მიეცემა. სხვა და სხვა

ნაირად გამოიხატება ეს ძილი. ღილილო და გვირილა, როგორც კი მზე გადაიხრება, ნელ-ნელა ჰკეცავენ გვირგვინის ფურცლებს, ასე რომ საღამოს მთელი ყვავილი შეკუმშულია და თითქმის აღარც კი სჩანს.

სხვა ნაირად იძინებენ კობუა ზამბახი და მარტა. ისინი, როგორც ძილ-მორეული ბავშვები, თავს ძირს დახრიან ხოლმე, ასე რომ მათი ყვავილის მწვანე ჯამი ზევით მოქცევა. იმ დროს რომ ტყესა და მინდორში გაიაროთ, გეგონებათ—ყვავილები ვინმეს დაუკრფდიაო, რადგან მწვანე ბალახში მწვანე ჯამი კარგად აღარ სჩანს.



მარტო ყვაილი კი არ ეძლევა ძილს — იძინებენ ავრცთვე ფოთლებიც. როდესაც მცენარე ძილისთვის ემზადება, მისი ფოთლები წყნარად და შეუშინველათ იწყებენ მოძრაობას. ფოთლების ფირფიტები ერთი მეორეს უახლოვდებიან და, როგორც მავალ. აკაცია ძირს ეშვებიან. ასე იქცევიან სამყურაცა და მიმოზაც. რასაკვირველია ახალ, — ნორჩი ფოთოლი ადვილათ ახერხებს ამ მოძრაობას, ბებერი ფოთლები კი გახევებული არიან, და მათ ძილი არ ემჩნევათ.

მოეფინება თუ არა მზის შუქი მიწას, ყვაილები, წელში გაიმართებიან, მხიარულათ მალლა ასწევენ თავს და ფერად-ფერად გვირგვინებს მზისაკენ ამართავენ. ფოთლებიც შორდებიან ერთი მეორეს და იწყებენ დღიურ სამუშაოს.

ყვაილის უმთავრეს ნაწილს ბუტკო და მტვრიანები წარმოადგენ. როდესაც ყვითელი მტვერი მომწიფდება, ქარს იგი შორს მიაქვს. მტვერი რომელიმე ყვაილის ბუტკოზე დაეცემა. აქ ის დაღბება, იზრდება ნასკვსში ჩადის. ამის შემდეგ ნასკვი ზრდას იწყებს და ნაყოფად იქცევა.

ყვაილის მტვერი თუ გამადიდებელი შუშით დავათვალიერეთ დავინახავთ, რომ ის მრავალი ბურთულებისაგანაა შემდგარი. თითო ბურთულა ლორწოს მსგავსი წვეთია. ეს წვეთი თხელ გარსშია გახვეული.

მტვერი რო წვიმამ ან ცვარმა დაასველოს, ბურთულები დასკდებიან. ამისთანა მტვერი ნაყოფს აღარ მოიტანს. ახლა თქვენ ადვილათ მიხვდებით, რათ იხურება ყვაილი ღამით და წვიმიან დღეში, რათა ხრის ღამაში ზამზახი თავს. ღამის ცვარი ან წვიმის წვეთები ყვაილიდან ძირს სცივია და არასაფნებს.

გარდა ამისა, მცენარე, როგორც ყოველი ცოცხალი არსება, სითბოს გამჩენია, დღისით ეს სითბო ჰაერში იფანტება; ღამით კი, როდესაც მზე აღარ ჰგზავნის თავის ცხოველ სითბოს და გარშემო ცივა, ყვაილი საჭიროობს როგორმე საკმაო სითბო შეინახოს, თორემ მტვერი ჩქარა ვერ მომწიფდება. დახურულ, დაძინებულ ყვაილში ეს სითბო გროვდება, და ამნაირად ყვაილი უძლებს ღამის სიცივეს.

პაწია ბუზანკალებს ძალიან უყვართ ყვავილში ლამის
გატარება. იქ პოულობენ ისინი თბილ ბინას; იქვე მზათ
არის ტკბილი საკმელ—სასმელი.

არიან ისეთი მცენარეები, რომელთაც დღე ღამედ აქვთ
გადაქცეული და ღამე-დღეთ. მაგალითად ზოგი ბრაზილიის
და მექსიკის მიმოზები. დილით, როდესაც მათ მწვავი მზის
შუქი მოადგებათ, ჰკეცენ ფოთლებს და იძინებენ ნაშუადღე-
ვის ხუთ საათამდე. ამის შემდეგ ფოთლები გაიშლებიან და
დილამდე მათ აღარ სძინავთ.

ჩვენ შეგვიძლია თვითონ დავაძინოთ ან გავაღვიძოთ
უღროვოთ რომელიმე მცენარე. ამისთვის ემჯობინება
რომელიმე რთულ—ფოთლებიანი მცენარე ავილოთ, რო-
გორც მაგალითად—სამყურა. შევიტანოთ ის დღისით ბნელ
ოთახში.

ფოთლები ნელ ნელა დაეკეცება, მცენარე ცხადია ძილს
მიეცა, თუმცა გარედ მზე კაშკაშებს. ეს მიძინებული მცე-
ნარე ელექტრონით რომ გავაშუქოთ, ის გაიღვიძებს: ესე
იგი ფოთლები ნელ-ნელა დაშორდებიან ერთი მეორეს. ყო-
ველი მცენარე ისე იძინებს და იღვიძებს, როგორც წესრიგს
დაჩვეული ბავში. ამაში ჩვენ აღვილად დავრწმუნდებით
რამდენიმე დილა-სალამო რომ თვალი ვადვენოთ ყვავილებს
მინდორში.

მეცნიერმა ლინნეიმ ამის და მიხედვით შეადგინა წიგნი
„ყვავილების საათი“, სადაც აღნიშნულია, რომელ საათზე
რომელი ყვავილი იძინებს და იღვიძებს. აი რამდენიმე ყვავი-
ლი ამ სიაში მოგცეული:

იღვიძებენ:

- დილას — 4 საათზე — ვარდყაყაჩო (*Cichorium intylus*).
„ „ 5 „ — ბურბუშელა (*Taraxacum officinale*).
„ „ 6 „ — გლახარხი (*Soncus arvensis*)
„ „ 7 „ — სალათა (*Latuca sativa*).
დღით — 8 „ — ქათმისთვალა (*anagab's arvensis*).
„ „ 9 „ — გვირილა (*caleudula arvensis*).
„ „ 10 „ — ყვითელი ზამზახი (*Thermocallus fluva*).

ნაშუადღევს 2 საათზე (Thieracium murorum).

" 4 " დუმფარა (Nymphaea alba).

" 9 " ბურბუშელა (Taiaxacum officinale)

და სხვები.



რასაკვირველია „ყვავილების საათი“ ვერ გვიჩვენებს დროს ისეთი სინამდვილით, როგორც ჩვეულებრივი საათი. ხშირათ ყვავილის გაღვიძებას ავდარი უშლის.

წვიმიან დღეში ყვავილებს მინდვრად ვერა ვხედავთ, რადგან ისინი არ იშლებიან მთელი დღის განმავლობაში. მხოლოდ თუ გამოიღარა და სიტყვებ მოატანა, ყვავილი მზიარულად გაიშლება და მზეს მიუბრუნებს პირს.



ყვავილების ძილზე სითბო მოქმედობს. დაძინებული ზაფრანას ყვავილი რომ თბილ ოთახში შევიტანოთ, ის გაიშლება.

რა გამოიწვევს ხოლმე ამ გაშლა—შეკეცვას? რა ცვლილება ხდება მცენარეში? მეცნიერი ბუნების მეტყველები გვიანზობენ, რომ ღამით და ავღრიან დღეში მცენარეს ნაკლებად ასდის წყლის ორთქლი; ამიტომ ეს წყალი მცენარის უჯრედებში გუბდება; უჯრედები გაიბერებიან: ზოგ ადგილას თვალ საჩინოდ, ზოგან კი ნაკლებ; ამას მოჰყვება გვირგვინის ან ფოთლის დაკეცვა ან გაშლა.

ამას გარდა ზოგჯერ დღის განმავლობაში ფოთლების ქვედა პირი უფრო იზრდება, ვიდრე ზემო ნაწილი; მაშინ

ფოთოლი ზევით აიწვეს; თუ ზედა პირმა უფრო იმატა, მაშინ ყვავილი, ან ფოთოლი ძირს დაეშვება.

ქართული
ენციკლოპედია



ყოველ შემთხვევაში ეს საკითხი ჯერ კარგად გამოკვლეული არ არის: მეცნიერული გაშუქება სჭირდება; ეს კი იმ მომავალ მეცნიერთა საქმეა, რომელთა შორის შეიძლება თქვენც იქნეთ ჩემო ცნობის მოყვარე მკითხველნო.

ელენე.



ფოთოლი ზევით აიწვეს; თუ ზედა პირმა უფრო იმატა, მაშინ ყვავილი, ან ფოთოლი ძირს დაეშვება.



ლინას იმდენი თავის დღეში არ უცინია, რამდენიც დღეს დილით იცინა.

— რა დაგემართა? — ბუტბუტებდა ბებია. — როგორ შეიძლება ხუმრობა და ღრეკა შეჯიბრების ერთი საათის წინ!

ყმაწვილმა ქალმა გაღიხარხარა.

— წუ თუ შენ გინდა, ბებიკო, რომ მე წარვსდგე ჟიურის წინ დაღრეჯილის სახით? ან შეიძლება დაღონებული სახით გამოხატვა ყვავილთა მეფის — ცოცხალის ვარდისა, — რომელსაც ჩვენ მოგვცემენ შესაჯიბრებელ თემად.

და აღინა მხიარულად იყო, არ კრთოდა. წარმოიდგინეთ, ჯერ ხუტუქ თმიანი, პაწაწინა ალისფერ ბაგიანი ქალი, რომელიც მთელი დღე ჭიკჭიკებს; ცხერის ფერ მოღიშარ, მთვლემარე თვალებიანი, რომელიც მაყურებლის თვალს ატკბობს და ახარებს — აი როგორი იყო აღინა — პირ-მზიანი.

აღინა ჩვიდმეტი წლისაა და უკვე კარგად ცნობილია მთელ ქალაქში, როგორც ნიჭიერი ხელოვანი მხატვარი და უკვე ხელმძღვანელი ყმაწვილი მხატვრებისა. ეს ისე ამშვენებს ქალაქს. როგორც ის სურნელოვანი ყვავილები ასკილისა, რომელნიც ისე მრავლად ხარობენ ქალიქის გარშემორტყპულ ძველ გაღაენის ნანგრევებზე.

შეჯიბრება გამოწვეული იყო, ერთ პატიოსან ყმაწვილ მხატვრის ნაანდერძვე სტიპენდიის, დანიშვნით. ყოველ წელს სამი ათასი ფრანკი უნდა მისცემოდა იმ ყმაწვილ მხატვარს ქალს, ან ვაჟს, რომლის ასაკი უნდა ყოფილიყო არა ნაკლებ

თხუთმეტი წლისა და არა უმეტეს ოცდა ხუთისა. პირობა დადებული იყო მხატვარს დაეხატა პეისაჟი ყვავილი, ან ხილი.

წელს პირველად იყო დანიშნული შეჯიბრება. მამოხელე მარედ მოწვეული იყო პარიზის სამხატვრო ინსტიტუტის წევრი; აქაური მხატვრებიც უკლებლივ ყველანი იყვნენ მსაჯულებად.

— დღეს ჩვენი სიღარიბე უფრო მეტად მაწუხებს, — ამბობდა ალინას ბებია, — მამაშენი რომ ხელმოჭერილი კაცი ყოფილიყო, დაგიტოვებდა შენი მორთულობისათვის საშუალებას. ნუ პროწიალობ, დადექ სწორედ, შე კუდიანო! ვნახო შენი სადღესასწაულო მორთულობა! დამაცა მოცდებნო რაიმე ლენტე შენი ძველი შლიაპის დასამშვენებლად და ნელის ნაბიჯით იწყო ბებიაშ ოთახიდან ოთახში მოგზაურობა მორთულობის საძებნელად თავის ძველ-ძველებში.

ბოლოს და ბოლოს ალინას შლიაპას ამშვენებდა პირისფერი ბლონდი. — კაბა? აბა მიტრიალ-მოტრიალდი! აი აქ როგორღაც გამობერილია. მოიცა გავასწორო; ხელი ჩამოუსვა.

— აბა ფეხი მიჩვენე; არა უშავსრა! ფეხსაცმელი ლამაზად გაქვს გაწყობილი!

ალინა კი იცინოდა და იცინოდა.

— კარგი, კარგი! ნუ ხარხარებ! მეშინია, როგორ შეიძლება აგრე აბუჩად აგდება შეჯიბრებისა, შენ სწორედ არლეკინივით ხტუნაობ, რას იტყვიან ექსპერტები!

ბებიის ბუზღუნი აცინებდა შვილი-შვილს და ხუმრობით მიუფო.

— დაშოშმინდი, ბები, მე იმათთან არ ვიცვლქებ და ისე მდაბლად დაუკრავ თავს და დარბაისლად ავალ კათედრაზე, იქ სულ სხვა ღიმილით მოვრთავ ჩემს სახეს!

— როგორ? განა შენ რამდენიმე ნაირი ღიმილიც იცი?!

— მაშ, ბებუკუნა! ერთი შენთვის და ერთიც საზოგადო გამოსვლისთვის!

— აი შე კუდრაქელა, შენა! ვინ გასწავლა ეგენი...

ამდროს ეკლესიის ზარის ხმა მოისმა, ბებია შეკრთა და წამოხტა — დროა, დროა წასვლისა... სუყველაფერი მზადა გაქვს? თანქრები, მოღბერტი? სად არის ყუთი ნახატებისთვის? ძნელია, ყველაფერზე ზრუნვა — უეჭველია დაავიწყდება ის, რაც ყველაზე უსაქიროესია. ახლა წადი...

და ბებია მოქანცული ხენემით დაეშვა ძველ სავარ-
ძელზე.

— არ მაკოცებ, ჩემო ჭრიანტელო?

ბებია შვილი-შვილი გადებვიწინ ერთმანეთს,

მზე მხიარულად იქვრიტებოდა ღია კარ-ფანჯარაში.

აღინამ საღებავების ყუთი იღლიაში ამოიღო, მოცინარ ლამაზ ალისფერ ტუჩებამდე ჩამოიწია თეთრი პირბადე და ამაყად, გაბედულად გავიდა სახლიდან: „ვნახოთ რას იტყვიან ქიურის წევრნი“.

ბებია მარტო დარჩა; იმის აღელვებული გული დამშვიდდა: „ყვავილის დახატვა არ გაუჭირდება! სამი ათასი ფრანკი დიდი ფულია. რომ იცოდნენ რა რიგ უვლით ბაღას, რა რიგ ვუფრთხილდები ჩვენ ვარდებს, როგორ აღაფრთოვანეს აღინა ამ მშვენიერმა ვარდებმა! რომ იცოდნენ როგორი საჭიროება აქვს ორ ქალს იმ სამი ათას ფრანკისა, რომ იცოდნენ — მთელი ჩვენი ცხოვრება იმაზე და მოკიდებული“...

სწორედ მართალი იყო ბებიის მოსაზრება. სამი ათასი ფრანკი გარდა იმისა რომ კარგი საჩუქარი იყო მოუტანდა ამათ პატივს და დიდებასაც... ნიჭიერ მხატვრად ცნობილ აღინას მთელ მხარეში გაუვარდებოდა სახელი. იმისი ნათელი, კოპწია, ცისფერი კრეტონით გაკრული, სახელოსნო აივსებოდა მოწაფეებით. საჩუქარი მარტო სიმდიდრეს კი არა დიდ ბედნიერებას მოუტანდა ყმაწვილ ქალს!

სალამოზე აღინა დაღვრემილი დაბრუნდა.

— შენ როგორღაც შეწუხებული ხარ? — ჰკითხა ბებიამ.

— ნუ თუ არ მოიწონებენ შენს ნახატს!

— შეიძლება. მოდელი კი მშვენიერი იყო. ის იყო უშველებელი მშვენიერი ვარდი ახალად მოწყვეტილი... ხომ იცი რარიგ მიყვარს ვარდები! ჩემის აზრით, მშვენიერად დავხატე და სწორედ შეუცდომლად, მაგრამ ზედამხედველმა არც ერთხელ არ შეხედა ჩემს ნახატს. მე მეცხრე ნომერი მერგოსხვა ნომრებს კი თვალს სიამოვნების ღიმილით ადევნებდა, დაჰყურებდა, მეტადრე მ4 №-ი მეტად იზიდავდა იმის გულისყურს. მე ძლიერ მწყინდა. თვალები ცრემლებით მქონდა სავსე!

ბებია შეშფოთდა.

— ნუ სულელობ! დაბანდი ჩემო მშვენიერო, ძვირ-



ფასო და ვივანშმოთ. მე დღევანდელი დიდი დღისთვის არა
ფერი დავზოგე და მსუქანი მწყურები მოგიზადე, ^{შენი}
საყვარელი, გემრიელი მწყურები! რაც შეეხება შენი ^{შენი}
მხედველს, ის ერთი ჩგრჩეტი თუა, თორემ... შიხლიჩიძე

— როცა მე სურათის ხატვა ვავათავე, სხვებიც ბევრნი
დადიოდნენ ჩემ მხარეს, მაგრამ არავინ ყურადღება არ
მამაქცია.

და მარგალიტივით ცრემლი დაეკიდა გრძელ წამწამზე
და დაჩრდილა აღინას მშვენიერი, ნათელი თვალები...

— მე შემზიზღდა მეცხრე ნომერი. ვგრძნობ რომ უნიქო
ვარ.

— შეექვც კრემს, ძვირფასო! შენი ვარდი ისეა დახა-
ტული, რომ თვით მეფეც კი დაიხრინდა თავს იმის
საყნოსველად, შენ მიიღებ „საჩუქარს“, ნუ სტირი!.. სამი
ათასი ფრანკით ჩვენ ვიყიდით მთელი ზამთრის სამყოფ
სურსათს და შენ კი მოგელის დიდება და პატივი მთელს ჩვენს
მხარეში. მოიწმინდე თვალები! თორემ გავჯავრდები. იჰ! ის
ქიურია, თუ რალაცა, მე უჩვენებ იმათ სერის, მხეცები! ვინ
იყვნენ?

— ერთი იმათანი კაროლიუს დიურანი, მეორე ბატ.
პრეზიდენტი, ბეკოხელი, მხატვარი დეფელიო, ბატ. პრად—
მებალე; სხვებს არ ვიცნობ.

— მე მოველაპარაკები იმათ!

— ოჰ! რას ამობ! ისინი ხვალ დილით შეიკრიფებიან კი-
დეც; საჩუქრებს დანიშნავენ.

— შენთვის უეჭველად.

— არა! მე ვიცი ვისაც ერგება! უსისხლო, ფერმკრთალ
ვარდს, რომელმაც ალტაცებაში მოიყვანა სუყველა დამსწრე
ბატონები. ის დახატა ერთმა ლამაზმა ქერა ქალმა, რომელიც
ჩემ გვერდით იჯდა. ბატ. ფელიუმ ალტაცებით ტაშიც კი
დაუქრა.

— შენი თავი საესეა, სისულელით და ათას დაუჯერე-
ბელ ამბებს ბოდავ და ღელავ! როდესაც ბ. ფელიუ დღის
შუქზე დაინახავს შენ ნახატს, ხელები კი არა გულიც აუჩქ-
როლდება! ახლა-კი უკვე გვიან არის და სჯობს დავიძინოთ!

მეორე დღეს, ათ საათზე, დიდ ფანჯრებ გაღებულ
დარბაზში ბატონი ქიური წვევრი შეიკრიბნენ. ორმოცდა

ათი სურათი უნდა შეეფესებინათ. გადაათვალიერეს /
არა 15 სურათი უვარგისათ იქნეს. შემდეგი 20 საშუალოდ,
შემდეგი თხუთმეტიდან გადაარჩიეს შვიდი და ბოლოს შეედიდან
დასტოვეს საჩუქრის ღირსად მხოლოდ სამი. შიხლიძის

მოღბერტებზე გამწკრივებული იყო სამი მშვენივრად
ნახატი ვარდი. თითქმის სამივე ერთნაირად იყვნენ ღირსნი
დაჯილდოვებისა; მაგრამ ერთნაირი აზრისანი არ იყვნენ;
ზოგის თვალში ამას რაღაც აკლდა, ზოგისაში კი იმას...

— აქ რომ ყოფილიყო ბატ. კარლიუსი, ის უთუოდ
22 ნომერს აკუთნებდა საჩუქარს.

— ნახატი სრული არ არის, — მიუგო თავჯდომარემ. —
მეცხრე ნომერი ძლიერ სადა სტილით არის დახატული; თითქო
ნამდვილი — ბუნებრივია. მეთვრამეტე უფრო ცოცხლად არის
დახატული და მეც ამას ვაძლევ ჩემ ხმას.

მეზაღე ჩუმაღ იჯღღ. წელში მოხრილი, ხელებით მუხლებ-
ზედ დაყრდნობილი დაკვირვებით დასცქეროღღ სამთავე ნა-
ხატს.

— სამივე სურათი მშვენიერია — აღტაცებით ამბობღღ
ბ. ფელიუ და მგონი ერთი საჩუქარი უნღღ გაიყოს სამაღღ.

ამ ღროს ვაღღებულ ფანჯრიღღან შემოღღრინღღღ თეთრი
პეპეღღღ და დააჯღღღ ერთ ვარღღს და ფეხებით ჩაიფღღღა ჯერ
ისევე სვეღღ ფერაღღღში.

მეზაღღე წამოხტა, წელში გაიშაღღღ.

— მე ხმას ვაძღღვე მეცხრე ნომერს, — სთქვა იმან დაღღე-
ჯითებით.

საჩუქარი მიუსაჯღღს მეცხრე ნომერს.

ვერაღღინ გაუბეღღღა შეჯიბრებოღღღ პატარა ლამაზ მწერს,
რომელიღღღ საუკეთესო მსაჯღღული აღმოჩნღღღღ.

ექ. გაბაშვილი.





ივანიკას ჯავრი.

(გასართობი).



ივანიკა ბრაზიანი კაცი იყო. საქმე რომ თითონ წაეხდინა, მაინც თავის შვილს გაბოს დააბრალებდა, გაუჯავრდებოდა და ხშირად კიდევ სცემდა უღანაშაულო ბავშვს.

ერთხელ ივანიკა ურმით ტყეში წავიდა შეშის მოსატანად, შვილი კი წისქვილში გაგზავნა პურის დასათქვავად.

ივანიკამ შეშა მოსჭრა, დაუღო ურემზე და შინისკენ წამოიღო.

გზაში ერთს აღგილას ტინებიანი დაღმართი იყო. გაუფრთხილებლობით იქ ურემი გადაუბრუნდა და ხარს ფეხი მოუტყდა.

ივანიკა ძალიან შეწუხდა, მით უმეტეს—რომ მისივე დანაშაული იყო. ბოლბა ახრჩობდა; არ იცოდა, ვისთვის დაებრალებინა თავის მარცხი და ჯავრი შეემსუბუქებინა.

ასეთი სამიზეზო რომ ვერაფერს ნახა, ბოლოს გულის გასაქარვებლად ეს და სთქვა ამოკენესით:

— ახ, სადა ხარ, შვილო გაბო, რომ შენ არ დავაბრალე გაფუჭებულს საქმეს და ერთი კარგადაც არ გაგსახრავ ჯავრის ამოსაყრელადო...

დ. ნახუცრიშვილი.



შარხდა.

(წარმოდგენილი ვანო ჭიჭინაძისაგან)

პირველად ორი ასოა,
„გ“ და „უ“ ზედ მიწყობილი;
მის მერმე ერთი სიტყვაა,
შოთასგან ასე ხმობილი:
„კრულია ყველა კაცისთვის
ხარბი და გაუძღომელი“,
მისი ამყოლი დაღუპვას
ვერ ასცლა ვერა რომელი.
სულ ყველა, ერთათ ფრინველი
გაზაფხულს გადმოფრინდება;
გალობა იმან არ იცის,
არცა არავის გვჭირდება:
გაჰკივის სოფლის მახლობლად
მალალ ხმით მალალ მყვირალი.
მე ბევრჯერ სოფლად მინახავს
ჩიტები მისგან მტირალი:
თითონ შობს, სხვას აზრდებიანებს
პაწაწკინტელა შეილტვება;
ასეთსა ცუდლუტროში
მას ვერვინ გააწბილებსა.




რეზუსი

(წარმოდგენილი ალ. თომაშვილის მიერ).


ქართული
ენების ინსტიტუტი



ბ



ს



მ



ღ



ს

უწყ



მ

ნათესიდან

,'

რას

ნ

მოგელით?



სახალხო განათლების კომისარიატის სოციალურ
 აღზრდის მთავარმმართველობის სალიტერატურო-სამხატვრო
 ხატვრო სექციის რედაქტორობით გამოვიდა და
 ღება შემდეგი საბავშვო ჟურნალები და წიგნები.

მცირეწლოვანთათვის

1. „ნაკადული“ 1921 წ. № 1, 2, 3, 4, 5 თითო წიგნი	8.000 შ.
2. „ნორჩი ძალა“ კრებული	10.000 „
3. „სამი ამბავი“ — ლექსები შიო მღვიმელისა	8.000 „
4. „კაკროქინა“ დ. დონდუასი	5.000 „
5. „ბელა ბეკეკა“ „	5.000 „
6. „შემოდგომა—ფერად სურათებიანი წიგნი	45.000 „
7. „ნაკადული“ 1922 წ. № 1	8.000 „

მოზრდილთათვის

8. „ჯეჯილი“ 1921 წლ. № 1	10.000 „
9. „თავისუფალ ბავშვთა სიმღერები“, ლექსთა კრებული	2.000 „
10. ქართ. მოძრავი თამაშობანი—შედგენილი გ. მერკვილაძის მიერ	25.000 „
11. ტრადის ომი—ალ. მიქაბერიძისა	70.000 „
12. ნოტები—საბავშვო ინტერნაც. სიტყვა-სმა შეწყობილი—ფოცხევაშვილის მიერ	1.000 „
13. „ჯეჯილი“ 1922 წ. № 1	10.000 „

მისამართი: ლორის-მელიქოვის ქუჩა № 5 სახალხო განათლების კომისარიატი. სოციალურ აღზრდის მთავარმმართველობის სალიტერატურო სამხატვრო სექცია.



1922 წელს

ქართული
ენების
აкадеმიის
გამოცემა

გამოვა საეკლესიო დასურათებული ჟურნალები

მოზრდილთათვის „**ჭიჭილი**“ №-XXXIV №.

მცირეწლოვ. „**ნაკაღული**“ №-XVII №.

ჟურნალები გამოდის სახალხო განათლების კომისარიატის
სოციალურ ბალსრდის მთავარმმართველობასთან წარსებულ
სარედაქციო კოლეგიის სელმძღვანელობით.

ქვემოთაღნიშნულ

ხელის მოწერა მიიღება ორივე შურნალზე ყოველ თვიურად
და ღირს 15 ათასი მანეთი.

სასწავლებლებს დაურიგდებათ უსასყიდლოთ.

მისამართი: თბილისი, ლორის-მელიქოვის ქუჩა № 5, სახალხო განათლე-
ბის კომისარიატი, „ნაკაღულისა“ და „ჯეჯილის“ რედაქცია.

რედაქტორი: სარედაქციო კოლეგია.